


西園存稿卷之八 目錄

七言近體



陳儀翔哀詞四章



恭奉萬曆哀詔

恭奉泰昌哀詔

病起謝尹用平鄧玄度

辛酉春日候舊寮王玄亭左轄

日病荅韓寅仲見戲

宴別曾澤卿太史還留曹

題周貴諤五老園 訊徐海石中丞

花朝雨中荅李自得

謝李自得過訪小園留酌

李伯開侍其尊公玉華山人過集小園

庚申冬月候舊寮楊崑林右轄

辛酉初春奉天啟 登極恩詔

辛酉又二月重訂寶安諸君子羅浮之遊

荅李自得

謝揚鵬遙觀察

辛酉天中節韓雲陸大叅招同諸君子汎榕水

辛酉秋七月過五羊夜宿黃木灣寄懷諸君子

辛酉秋日高正甫先生招同諸君子集超然亭

曾元陟廣文錦還偕諸君子携酒訪之

荅河源陳明府以便面詩見貽

黃子吉同人 詔起西粵左轄過訪小園

壽不倚老人六十有一

壽鄧愛溪七十有一

寄虔州撫臺美承唐公

寄懷申念先司理 八月十五夜宴集

謝郡守璞崑荆公

步韻寄和虔鎮唐美承中丞見貽便面詩

贈海豐陳弼野明府

答吳昌期以便面二詩見訪

壬戌除夕有感

贈黃子吉同人

贈余士翹轉諭寶安

懷沈雲鴻大父

贈何凝生文學

甲子元日邑侯哀谷孫公枉駕留酌

謝楊鵬遙方伯

趙孺子見過小園留酌

唯仲孝廉歸自蒼梧垂橐北上喜而賦之

江門高子雲遊羅浮以詩見訪賦答

贈新都孫子真

甲子秋日過孺庵訪用平同人

甲子七夕雨中韓寅仲明府緒仲太史同新

安孫子真携兩姬過集

甲子秋八月客五羊再晤周斗文

吳用潛侍御招飲西疇觀妓

與孫子真載酒過連州守鄧太素得秋字

甲子秋七月入寶安訪溫爾惇又載酒過隣仙樓

園中黃花盛開携諸小婦賞之

懷蔡弘父司成 寄懷林咨伯尚書

懷董玄宰以少宗伯纂脩 皇祖實錄

老将

乙丑春三月邑侯哀谷孫公有事羅浮與諸君子同赴

西園存稿卷之八

羅浮張 贊孟奇甫著

元孫紹演孫國樞補關

七言近體

陳儀翔哀詞四章 有引

嗟我儀翔其已矣乎得君客計不獲哭君

寢門者數月於茲盈盈一水匍匐謂何秋

色告闌旅魂戾止忽得友人鄧玄度哀君

之詞回環數四益一字一珠亦一字一淚

西園不稱 卷之六  
矣人非木石感彼河山乃挂蒲帆薄陳絮  
酒欲長歌而當泣擬短些之招魂遂綴四  
章用寫一慟云爾

比馭當年憶絕裾空移願入帝城書因參北斗遊  
東岱欲換金章得玉魚執手阿誰憑嫁鷺向牀有  
客效鳴驢生前知己一人足吊誅何須四十餘

其二

媚珠池上草萋萋吊鶴徘徊鴉亂啼哭晝倚閭文  
伯母建碑當戶孝章妻難兄已奉移根議老友空

緘寄淚題我已卜鄰君省否小檀欒畔鳳臺西

其三

四風鄰笛不勝悲痛憶倏然瘦鶴姿可是一蛇盤  
盡鏡非關二鼠嘴枯枝空山落木停雲處斜日孤  
帆問水時千帙文章千古業誰云白傅果無兒

其四

赤札符下白鷄年客旒吹霜萬里船肯信吟魂迷  
醉骨由來才鬼勝頑仙常景有詩酬伯茂文遙無  
酒薦元延韶光半百休遺恨請讀南華第二篇

西園存稿 卷之八  
恭奉萬曆 哀詔用韻

仙馭靈蹤躡結隣

前有先  
后哀詔

橋山神鼎屹嶙峋自憐

溝壑餘黃髮猶憶絲綸奉紫宸萬里逐臣空灑血  
三良遺恨未埋身號天欲問須材事芮畢彤毛復  
幾人

恭奉泰昌 哀詔用韻

病起吞聲泣泰昌夜來驚夢侍 先皇九天龍逝  
髯雙墮滿地鵑啼血萬行犬馬一年三易主河山  
孤淚丹雘裳莫言舜日三旬六四海謳歌萬古長

朱元价宗伯以書畫及詩見寄賦此寄謝

碧山何事欲焚魚閒却人間白玉除日月已瞻新  
袞冕烟霞猶戀舊簪裾數株蒼翠右丞筆滿握珠  
璣大令書更向千秋巧芳馥知君不惜齒牙餘

去冬病困六旬開歲病日半月寶安卜築又  
復愆期尹用平鄧玄度諸君子數以書來念  
我深矣不能裁謝賦此代書時日肯未瘳令  
門士捉筆憂生成戚情見乎詞

久擬菟裘卜樂郊遲回何事輟于茅籠中未畜三

年艾肘後空傳五日膠老馬嘶羣惟戀棧拙鳩將  
婦未居巢羅浮春色知踈漏誰向江頭問柳梢

其二

年來二豎數猖狂蛇影含杯蟻戰牀楊柳月迷青  
雀觴蓬蒿春寂白駒場求方欲向東門伯伏魄幾  
爲南面王遙憶旗峰簾洞主停雲應共惜春光

辛酉春口舊寮王玄亭左轄下車行省取道  
羅浮時病困不能候謁以詩代書撫今追昔  
情見乎詞

翹首中台喜欲狂龍門今在紫微堂三曹趨步葭  
依玉廿載音容日照梁爲語江山供綠筆懸知  
坎蒲青箱公有玄亭詩筆行於世須臾願緩衰殘日欲飲洪  
河却望洋

其二

緣慳瞑眩阻扶藜夢裡壺漿首再稽老廢膏肓在  
泉石升沉踪跡本雲泥望帝自憐啼血鳥敗羣誰  
念觸藩飛二天仰戴從今日努力千秋乞品題

韓寅仲戲余目病謂燈火親曼睫多故然戲

謝以詩非解潮乃憾悔也

宿雨新寒日易斜門前春色正無涯欲祛六極需  
三躄誤擲雙轡逐五車杜顛蚤聞曾戒讀維摩豈  
亦未離家藥無二價逢康伯何事常看霧裡花

宴別曾澤卿太史還留曹得還字時同席韓  
叔捷叅知將起家韓寅仲明府余士翹孝廉  
謁補有日併以勸駕

有客高車入漢關岐亭尊酒醉離顏雄心久已嘆  
伏櫪遠志何妨再出山 聖王正開折鳳闕詞臣

應冠舊鶴班臨岐爲謝柳榆者莫咲冥鴻去不還

題周貴諤五老園

風流儒雅羨周郎偃蹇龍洲舊草堂灼灼朱華長  
照日青青香葉數吹霜一拳皴玉雲生砌半畝濃  
陰綠壓牀我亦羅浮一遺老可容笠屐共徜徉

徐海石中丞入佐內臺還里有終焉之志詩  
以訊之

浮沉踪跡是耶非數局殘棋未解圍 聖王恩新  
思舊袞老臣髮短憶初衣請看超乘揚鞭去誰復



逢場袖手歸聞說裝成堪泛海海鷗何事更驚飛  
花朝雨中李自得以詩見訪用來韻却答時  
哲嗣伯開隨侍

西昌詞客老徵君白髮青鞋一片雲點染溪山吳  
道子調諧花月鮑參軍愁霖榕水觀新漲跨鶴羅  
浮卧翠氛最美翩翩雙綵筆在陰鳴和九天聞

李自得過訪小園留酌以四詩見贈用來韻

賦謝

小築幽棲選地偏定然今喜老詩仙荷衣獨曳溪

橋雨藜杖同驅磔戶烟出谷雛鶯眠葉底爭枝戲  
雀隋臺舊前來遊莫向人間說此地人間別有天

其二

柴門斜傍白鷗洲一水滌迴一徑幽下榻焚香窺  
二酉登壇索賦共千秋衰殘莫逐孤鳧去粗糲何  
妨鎮日留占斷青山原我輩烟霞錮疾不須瘳

其三

非關消渴卧文園計拙交窮且避諠垂柳差同彭  
蠡澤種桃錯擬武陵源舟橫過雨竹邊渡樹擁歸

西園集卷之六  
雲水上村青眼相逢吾老矣更期投轄續清尊

其四

卜居何必覓靈氛獨向玄亭問子雲江上鷗盟共  
容與斗間龍氣已氤氲方瞳老子空燒汞自得來問黃白  
術之白首中郎尚鬻文為語萍踪且歸去故山原有

鹿麋羣

李伯開侍其尊公玉華山人過集小園以詩

見貽用來韻

雙林三徑百花天有客尋幽興更偏杖履他鄉娛

一曰晨昏子舍別多年三山已覓安期棗一葉同

乘太乙蓮知爾曾歌招隱句可能常棹剡溪船

庚申冬月舊寮楊崑林右轄粵東時久病未

能展謁辛酉春二月以詩代書馳候

六龍飛處五雲馳抱膝停雲有所思帝眷關西清

白吏人歌南國素絲詩三司附驥曾駉乘十載歸

林尚繞枝馬足遺簪君問否青山白首正棲遲

其二

行吟憔悴老林丘聲氣遙同二十秋懷刺豈隨彈

西園存稿 卷之八  
缺客受塵今喜撫塵遊炎陬薇省名方岳海國桓  
圭古右侯咫尺朱門猶未掃何辭吾道付滄洲

辛酉初春奉天啓 登極恩詔用韻

神孫御曆際昌辰海岳精靈正效珍黃紙 新恩  
三省詔白頭遺老五朝人乾坤再奠金甌固日月  
重開玉燭新何事江湖懸魏闕爲言黍谷已回春  
辛酉又二月以詩代書重訂寶安諸君子羅  
浮之遊倘能結伴尋春便當移舟候駕乘輿  
勿如剡曲管言請以平原

愁霖賦就一舒輦把酒登臨獨愴神萬樹鶯聲雙

卯月一年花信兩芳春二月節名應憐我負依劉約諸

子見招卜築却笑君非訪戴入到日盤餐有兼味

酌泉煮石膾苴蕁見楚

其二

一水盈盈思杳然花光葉影艷陽天何時把臂求  
羊侶共放乘春李郭船狎玉烟霞還舊好尋盟泉  
石有新緣榕溪雞黍三年諾遲爾飛雲共醉眠

其三

蓬萊今在嶺雲東碧巖丹梯紫翠重爲報山空猿  
鶴怨莫辭地隔馬牛風颯輪欲遍三千界蠟展須  
登四百峯把玩頗堪供嘯咏青天萬片玉芙蓉

其四

汎汎晴光杜若洲美人能否共移舟東皇已展中  
和節時閏一月我輩何妨汗漫遊這次鶯花須領畧清  
嘉庶日足彞猶主人四百三十二一主期君一日  
留

李自得避水佛樓以詩見報用來韻却答

潑墨崩雲漲碧空滔滔誰挽百川東波臣已斷巨  
鯨足逋客且卧馮彝宮竈底蛙鳴嗟桂玉樓頭蠅  
凍付苓通新晴鐘鼓忽相報遲爾開尊一鏡中

楊鵬遙觀察雨中過訪小園粗糲未陳淹留  
竟日賦此奉謝

寤寐金蘭二十年舉頭驚戴兩重天入林不斷隨  
車雨看竹頻移掉雪船喜有烟霞同嘯敖不須雞  
黍更畱連知公剩有緇衣好拜手長歌杖杜篇

其二

頽雲萬片覆花梁夾岼雙旌擁野航紫氣憑陵朱  
紱客白頭顛倒綠荷裳披帷欲問千秋業發篋慙  
非二酉藏落盡塵毛頻促膝數甌清茗一爐香

辛酉天中節韓雲陸大參招同黃黃峴大參

徐太冲林寄寰韓尚少三明府余瞻明孝廉

汎舟榕水

錦纜牙檣拂柳磯天中佳節淨朝暉溶溶一水晴  
初汎矯矯羣龍蟄不飛時無競渡之戲簾捲青山皆紫邏

尊開白髮半朱衣賦成不是浮湘客犯斗今宵奏

少微

辛酉秋七月過五竿夜宿黃木灣寄懷寶安

諸君子

黃木灣頭日欲西輕雷挾雨過前谿懷人一水秋  
偏爽有客孤蓬夢轉迷漁笛笛忽驚遵渚烏鼉更遙  
促報潮雞自憺室邇人猶遠尺素空緘隔歲題

辛酉秋高正甫先生招同黎君璽君選集大

忠祠之超然亭

蘭羞竹酒共登臺文藻江山半草萊綵筆自騎湖

海氣白頭相對弟兄杯雲輕寒樹千山合日麗秋  
原一鴈哀誰向新亭同下淚忠魂空逐晚潮回

八月十六夜吳覺生侍御招飲賦謝

皓魄當空藹碧氛欹輪渡漢綴流雲共憐鵲影猶  
三匝誰謂蟾光減一分角耦呼盧頻剪燭擊壺傾  
際細論文懸知夜夜高寒處蒲地不忍聞

曾元陟廣文歸還偕黃若璘韓叔捷兩叅知  
載酒訪之時兒允方婿於廣文竊自幸也

老去交情喜更直尊開不速客三人官從絳帳原

非冷坐有青瑣不是貧綵筆曾誇今董馬白頭方  
結老朱陳諸公臺閣君休羨猶勝荷鋤草莽臣

河源陳明府以便面詩見貽賦此奉答

嚙嗜威鳳起梧岡兩地迴翔枳棘鄉懸榻喜瞻今  
仲舉難兄重見漢元方老我永號逢碩鼠多君當  
道問豺狼亦知世上難開口何日軒渠共一觴

其二

凌雲綵筆正翩翩萬里神交二十年鄰壁借光憐  
夜織洪河竊潤到原田馮驩何事未焚券程尉于

今不值錢來暮莫言相見晚白頭披霧觀青天

黃子吉同人 詔起西粵左轄過訪小園時

蜀交警獲讀子吉滇黔紀畧及行間文檄

迺北望稽首而呼萬歲 聖天子故劍之求

不在一西粵也子吉索詩為別因賦二律以

壯其行為異日凌烟閣中左券

憶別遙驚十六秋片帆斜日到林丘麟符犀珮平

原駕綠酒青山謝眺樓授鉞却看新制帥村牌原

屬舊諸侯知君夜夜聞鷄舞蚤向東西借箸籌

其二

捫蝨深談夜色闌巴川遼海未安瀾老臣卧穩東

山枕 聖主恩深北闕環豈為屏藩銅柱界請看

京觀點蒼山 子吉平滇苗功最大亦最奇 九重宵旰君應念何

日昇平慰 聖顏

奉壽不倚老人六十有一

和風習習日曛曛浮碇岡頭白髮翁蚤向一鄉稱

善士晚從三徑伴園公嘯歌老態形骸外然諾平

生禮法中百歲相期眠食穩西園笠屐共從容

其二

比間同井兩扶持少小金蘭老不移問齒我多君  
四歲宜家君勝我齊眉追隨耕鑿行歌處換抱兒  
孫共歲時從此百年期一日一尊濁酒兩篇詩

奉壽鄧愛溪七十有一

建瓴爲水甕爲山鶴髮童顏鹿豕間白板樹邊懸  
襖襪青雲膝下舞斑斕不從仙女求真訣豈向泥  
凡問太還可是神仙行地上年年身健與心閒

陽隣有仙女出泥丸  
陳仙翁其鄉人也

寄虔州撫臺美承唐公

四省河山賜履同新朝制帥舊臺公受脈已控三  
江上杖鉞遙臨五嶺東繞膝青雲驚起鵲扶藜白  
髮憶登龍年來麟閣長虛席會見追鋒出漢宮

其二

一別驚心十五秋夢來猶是撫塵遊關門候氣瞻  
驄影炎微停雲想畫旒罔命重申周太僕武成新  
拜漢元侯自憐衰病溝中斷何日從公一借籌

寄懷申念先司理



玉皇香案掌書仙郡理分城贛水邊  
棣萼輝庭曾映日瓊枝繞膝更參天  
片言折獄臺稱鏡五色摛詞筆似椽  
共喜相門饒相種忠宣文正繼前賢

八月十五夜黃黃峴大叅招同韓雲陸大叅

林寄寰明府宴集

雨過寒生露井梧纖雲不動玉輪孤  
一聲何處

弦鴈三匝誰憐繞樹烏

時西匿公在避地之計

共向金尊澆

磊砢不須赤壁嘆雄圖年年白首同  
今夕得似  
山四皓無

其二

十分圓魄挂遙空酒伴詩朋四美同  
邑里鼓鼙猶動地幡娟膏沐尚爲容  
休尋緱嶺當年侶誰奏崑崙第一功  
始信陰晴渾不定昨宵曾苦雨兼風

謝郡守璞崑荆公

心期縞帶十年前御李依劉更受塵  
坐石已能迓噴室束金猶喜免蒲鞭  
山林匿影無三窟犬馬嘶恩在九原  
從此覆盆長獲照白頭驚戴兩重天

步韻寄和虔鎮唐美承中丞見貽便面詩夏

日集水亭韻

火雲岳岳西日微青銅冷射琉璃扉我憶習家池  
上客誰尋漁父蘆中磯冰壺不用白龍浸寒玉已  
斷紅塵飛爲問逍遙集珠履何人酩酊歌緇衣

贈海豐陳弼野明府

銀艾銅章蒞榜仙專城東在蜃樓邊十年高第三  
爲尹一代名流萬選錢燕婢哺雛龍戶壘螭奴輸  
稍馬人船遙知仲舉長懸榻爲報滕文已受塵

吳昌期以便面二詩見訪時支枕却掃不能

晤對用來韻奉答

蓬徑柴門晝不開賓朋久矣罷啣杯偶耽佳句非  
關癖獲保天年幸不才衰病嗟余眞潦倒風塵憐  
汝尚逕迴入林把臂須它日莫擲明珠再暗來

其二

年來同調乏陰何珍重朱華詠綠蘿君是畸人二  
亦少我原長物一猶多名山副墨身爲蠹上國懸  
書橐是荷自咲子雲玄尚白多君問字亦經過

壬戌除夕有感

白頭何事獨悲辛  
 支枕燈前淚滿巾  
 婪尾共堂惟一  
 啜孫枝繞膝少三人  
是歲兒輩炳勳  
 瑩皆殞一子  
 老懷今夕  
 嗟非舊物態明朝  
 說更新却喜小園春  
 更蚤花曾  
 獻咲柳舒顰

立春日黃子吉同人自西粵右轄拂衣東歸  
 見過賦此贈之并致黃思之左轄張元輝觀

察許公弘刺史三同人

青旗綵仗簇江梅  
 有客停舟共舉杯  
 末路完名能  
 自保老臣傲骨不堪摧  
 彈冠昔為酬恩出  
 當局今

袖手回寄語鳳城林下客  
 翺翔又喜一人來

贈余士翹轉諭寶安

羅浮紫氣正崢嶸  
 有客凌雲賦兩京  
 肝膽自憐歸  
 我輩文章原不屬科名  
 絳帷已報三鱣兆  
 襍被猶煩一日程  
 但得侯芭頻載酒  
 玄嘲休解漢公卿

沈雲鴻大父從梁化相徙理珠官以佳集走  
 重幣索序賦此奉懷并抒證嚮

天涯海角走雙魚  
珠官有天涯  
 海角二亭  
 鱷渚棠陰憶曳裾

句癖常飛三寸管  
 吟成曾斷幾莖鬚  
 千秋授簡慙

西園存稿 卷之八  
玄晏一日論文有應璩不用明珠還合浦君今行  
笥滿璠璣

太宰玄翁何公於余有縞帶之好雲泥隔而  
音問踈二十年遠矣先輩疑生何君太宰緣  
也癸亥亞歲以詩見投賦此往贈杜少陵曰  
文章有神交有道何必撫塵

烟霞銅疾已交窮剝啄何來問桂叢遠道一函青  
王案永懷八座黑頭翁霜蹄老驥空嘶櫪汗血兒  
駒獨試風一日千秋堪其賞知君不作小英雄

甲子元日邑侯袁谷孫公枉駕投轄旣貽珠  
玉復命棋枰畱酌竟日喜而賦謝

青陽載啓逗餘寒拂雨停鑣問考繁綺散餘霞仙  
令筆盤無兼味腐儒餐絃歌已奏緇衣好雞黍言  
尋縞帶歡見說康衢皆擊壤采風應及碩人寬

其二

藝門何意駐神君首祚行春駕紫氛咲擁文楸容  
對壘戲揮綵筆羨凌雲千秋大業文章伯一日清  
權麋鹿羣從此樂郊無碩鼠白頭努力事耕耘

西園存稿 卷之八 十七  
楊鵬遙方伯赴粵西重過小園投詩見別未  
及留酌賦此呈謝

春江春霽淨春暉  
子子干旄問樂饑  
十日平原空  
有約一尊濁酒未同揮  
西籓帝簡新薇省  
東土人  
瞻舊袞衣遙望蒼梧雲  
氣滿可能膚寸到柴扉

寄懷謝武林方伯

桂林薇省古諸侯  
狎主齊盟四十秋  
客路自憐交  
臂失心期猶憶撫塵遊  
九州君已空  
雙眼千古余  
還讓一籌見說東西將  
賜履八公白首在羅浮

趙孺子見過小園留酌以詩見贈用來韻却  
答

地僻林深晝掩扉  
前溪雨歇晚烟微  
自憐門外無  
車轍尚喜蘆中有  
釣磯報客驚看雙鶴舞  
開尊莫  
遣百花飛  
湘蘭澧芷堪相贈  
結佩還尋薜荔衣

其二

有客來窺溪上園  
少微今在紫薇垣  
孺子為韓開  
太史上客  
開三徑花千樹  
共擘雙柑酒一尊  
鮑詩老我真成  
癖善諫多君  
莫厭繁為語  
主人常下榻  
不須凡鳥

更題門

唯仲孝廉歸自蒼梧垂橐北上喜而賦之以  
侑行李

曾說因人事遠遊蒼梧雲氣滿扁舟登壇喜有曹  
生創作客休慙季子裘好俗一枝棲上苑何須萬  
貫到揚州願言紫陌看花日莫忘烟霞老一丘

江門高子雲遊羅浮以詩見訪致何凝生公  
子書索餘軒集序賦此荅之并荅凝生戲代

魚腹

有客來自飛雲巔片帔已飽江門烟不辭觸熱問  
奇字却欲買賦窺文園黃雲赤日莽如許青天白  
眼胡爲然請君更語呂安駕道我已泛王猷船

新都孫子真別三十餘年越三千餘里以詩  
見訪小園爲作園公小像雖慙土木形骸殊  
有山林風氣投轄半月輒爲寶安鄧觀察玄  
度迎去幸語觀察德機慎勿遽杜面孔不妨  
相向也因用子真來韻賦而贈之

相尋路涉三千遠憶別季經三十餘下榻爲邀圖

特筆投瓊惟有換鵝書一紙秋水綠何事數兩芒  
鞋却自如去貌隣仙臺上玉紫芝眉宇碧霞裾

甲子秋日過嬾庵訪用平同人過隣仙臺訪  
鄧玄度觀察皆別三季遠矣

雨過風柔五兩輕殘霞暗挂寶安城三季寤寐三  
秋客一水蒹葭一日程社結芳隣仙可侶嬾成孤  
枕夢偏清重來爲赴平原約家釀君應日日傾

甲子七夕雨中韓寅仲明府緒仲太史同新  
安孫子真携兩姬過集

霖霖連宵點不開何當巧夕更聞雷秋新已覺晴  
常少人老誰能巧得來舞態歌聲空見妬雲情雨  
意莫相猜明年此夕知同否醉不厭厭莫擬回

甲子秋八月客五羊再晤 周斗文有不  
遇之嘆賦此別之

季來自咲足三餘不向明時賦子虛白髮相逢皆  
按劍青山歸去好藏書深懷已敝襦生刺彈鋏空  
歌馮氏魚知己一人原自足王門何必曳長裾

吳用潛侍御招飲西疇觀妓

尋芳結伴涉西疇徑曲橋橫水木幽曄曄采芝同  
角里翩翩挹袖有浮丘影娥花下犬開鏡度曲風  
前人倚樓見說追鋒今已駕桂叢不用賦淹留

鄧太素守連州一歲輒以忤當事求去余適  
入五羊與孫子真載酒過之得秋字

一別曾經二十秋開尊駐楫兵燹猶折腰不爲陶  
元亮去國休從馬少游千古誰名還我輩一時拙  
宦是名流兒童項領皆長袖惟底郎當舞不休

甲子秋七月又寶安訪慈翁惇年丈於滋蘭

惇報同尹用平年丈載酒鄧玄度隣仙樓爾

惇以善釀聞且豪飲兼人諸同社皆避席也

惇西風泛楚蘋懷人秋色一番新烟霞共老惟  
須醉兄弟相過莫厭頰芳佩歲蕤蘭九畹雄心潦  
倒酒千巡紫霞仙侶今投轄與爾同澆萬古塵

園中黃花盛開携諸小婦賞之醉中戲筆

同車遶徑踏霜華采采東籬日未斜垂手姬姜爭  
送酒牽衣兒女咲呼爺亦知老態乾於葉莫遣衰  
容瘦比花曾否靈均搵食指冷英已飽老渾家



蔡弘父司成以學約山居唵進古本孝經疏  
見寄賦此懷之時 滇之耻未洒胡安國之  
進春秋傳不可不念也

山深不復問書郵夢向園橋憶舊遊道自中天懸  
杲日君今祇柱障狂流金華殿上山林氣白首天  
南漆室憂行在孝經曾納牖更須言志在春秋

寄懷林咨伯尚書

白頭飛夢繞平津去國誰堪憶吐茵命世文章懸  
日月承家劔履上星辰六符光泰開新主三禮寅  
清屬舊臣見說菲葑皆下采可能攜拾到蒸薪

董玄宰以少宗伯纂脩 皇祖實錄賦而懷  
之

當季紫氣滿關門十日平原酒一尊短簿祠前唵  
落葉生公石上纈芳蓀五雲縹緲龍初駕百獸蹠  
躩鳳獨蹲誰謂史狐操袞鉞書麟紀蚻託空言

老將

綺歲飛騰事遠征白頭躑躅喜橫行馬歸徃日麟  
曾畫兔盡多年狗未烹歌驥心長頻起舞挿貂髮

西園存稿 卷之八 三  
短尚談兵欲因杯酒乞骸骨其柰龍精老更鳴

乙丑春二月二十有四日邑侯袁谷孫公有  
事羅浮同社諸君子偕集江上小堂舉酒相  
賀夫勸課農桑巡行阡陌闢草萊以正疆界  
蒐伏慝而飭干楸此循良實政開邑以來二  
百五十餘年所未有也遂相與繪圖授簡侈  
爲詩歌以副野史公復取道於先司徒東臯  
別業駐轡於先仲第園子二石山房蓋有謀  
野則獲之思焉蓋乃携子獲孫炊脫粟醜茅  
柴以窺焉足公輒然班荆移陰而別時余  
以目青不能從公于邁爲四百三十二君掃  
石候命第以一日之長狎王齊盟敢不悉索  
敝賦竊附中和樂職之誼遂鼓腹而歌凡得  
四章以博公一咲此亦謗然之遺音不識不  
知之壤父不能自藏其醜者也故從同社諸  
君子之請再拜捉筆以弁於簡

芙蓉萬片碧氛氲一騎言從四百君竹下停鑣因  
問俗溪邊洗盞復論文蓑穠已慰篝車祝遊豫能

西園存稿 卷之八 三  
同鹿豕羣為報省耕還省歛更期携手躡飛雲

其二

逐隊雲山夾路花春風先到野人家瓦盤雞黍兒  
孫見野芟壺簞父老遮單車不彈緣千畝一發驚  
看有五犯公善騎射咲憇甘棠無訟聽獨携絲筆染丹  
霞

其三

踏殘芳草破蒼烟出舍春郊春更妍山澤可能容  
伏莽芮虞從此有間田拍肩挹袖披金簡選石題

詩噉玉延卒歲優游真再造西園安枕老頽仙

其四

行寄銀艾紫遊韉稅駕名山問辟疆丹竈藥留勾  
漏令白蓮花似秘書郎琅敷夜按雲和譜鍊峽朝  
探桂醕方植杖白頭同擊壤一時狂簡盡成章

三園存稿卷之九

七言近體

題鄭與莊畸園二章

馮無文鄭湛若謁送韓宗伯因過小園留酌

送韓緒仲宗伯還朝二章

送黃士明宗伯還朝二章

題梁母節孝卷

茅叅戎孺嘉都閩瀘川

黃君常見過

黃君常以抑之先生見懷佳什為贊

寄蔡五岳叅知

東龍川宋明府

謝鄧玄度僉憲分俸貽書

曾元陟親家以湘陰廣文謝事還里

甲子守歲

乙丑元日蠹閣試筆

題嶺梅梁月卷

丙寅初春叅知洪崖王公移鎮惠潮

丙寅初夏苦旱得雨

學憲二無公以喜雨及登浴日亭二詩

謝鄧玄度開府衡陽

贈黃士明少宰

贈劉廷翰將軍

訊同人區季方以小司徒還里

贈韓寅仲以湘潭令解組還里

謝王憲度明府招飲

韓寅仲和余詩見貽

八月十六夜林寄寰韓寅仲二明府過集

好音是懷卷

丙寅八月十五夜集韓寅仲宅

八月十七日壽韓寅仲宴集

秋日李穎玉少叅招飲白鶴峰賦謝  
朱未央以鄧玄度觀察書過訪小園訶林

修六上人叅方潮陽過小園

田伯善少叅登羅浮過飲小園留題四律

丙寅九日登百赤樓奉懷王洪崖田白園兩叅知

寄懷鄧玄度  
寄懷吳用潛侍御

丙寅除夕守歲呈郡大父二初余公

又與塾師福唐林用籲同賦

丁卯元日試筆呈郡大父余公

三之日苦寒戲訊桃源主人

贈林用籲還閩應舉

丁卯仲春八五羊黃陳兩國學招集

陳集生太史招集東臯別業

再用集生太史韻  
贈陳集生太史

劉觀國方伯以密娛軒索詩賦贈

何龍友太史還朝以出山詩見示次韻答

舟次海珠寺即事寄懷寶安同社諸君子

清明日東還宿黃木灣

王幼度明府黃元卿國學陳集生太史訂游  
羅浮擬過小園詩以促之

丁卯禊日韓寅仲招同諸君子汎集鷗社  
題法曜秋高卷壽溫青霞侍御按楚

壽曾澤卿觀察內君陳恭人七十有一

丁卯夏四月奉懷荆璞翁公祖

丁卯夏四月郡侯徐韶階携同歸善龍川兩

明府韓姬命孝廉入羅浮觀洗耳泉登水簾

洞分韻賦別

韓寅仲築其先公祠成庭有雙栗不日植之

結實繁碩此吉祥也詩以考焉屬余和之次

韻賦賀

次日龍川宋元實明府隨過小園留酌

丁卯八月四日移家羊城督課兒輩省試

移家羊城道路戒心帥府以帳下戈船來迎

自榕水至珠海遂獲利涉賦而謝之

抵家示兒輩 上董長馭督學

寄文文起太史 谷陳集生太史

壽徐海翁八十有一

陳景文病篤以大夢詩見別次韻

庚午季秋病困一月尹用平年兄以詩見懷  
用來韻賦答

贈張忠叔

年家董叔遠以詩見訊賦此答之

寄謝制府姚江王公四章

壬申夏五偕諸君子携酒徵歌於二餘堂

非水居告成

荅閩友林允兼

辛未秋盡黃花未有放者數飲止園頻問花

信欲携酒候之賦呈主人

冬十一月止園黃花大放携尊偕韓寅仲余

士翹過之時寅仲七十有一因以為壽

辛未守歲

壬申元日

壬申元夕目青未間時有庾嶺警報

壬申正月十七夜劉令公賜續元夕惠臨賦謝

壬申上巳脩禊小園以雨不果

壬申三日喜晴迎諸君子集蓼雲樓詩以肅之



阮璣衡以武科特起都閩東粵入賀賦贈  
讀張元應詩草賦贈

答陳集生太史

太史書來殊有已而之嘆賦此懷之

壬申五日小園獨泛

陳集生太史以其弟喬生白玉樓記傳奇索

序詩以贈之

陳集生太史以竹下新詩便面見貽次來

賦謝并貽歐嘉可

夏杪陳集生太史以便面二律見懷歐嘉可

孝廉亦同韻見懷一律用來韻賦答

黃逢永廣文病足還里以便面一律見懷次

來韻賦答

止園主人以雙鶴詩三章見示用來韻奉酬

壽澹屋老人八十有一

谷清漳鄭肇中文學

雙壽詩為碧月老人八十有一賦

壬申守歲

壬申初夏槎江邑侯存初王公以課績考最  
振旅策勲喜而賦之得五十六字

奉贈峯翁神慈入 覲

題永新劉封公賢祀錄

甲戌正月八日立春呈陸令公

壽陸令公二章

陸令公再過小園時余他出不及留酌賦此申謝

觀察洪公過訪小園留酌賦謝二章

壽陳粹白七十有一 甲戌夏六月日病自悼二章

九如三韻詩為陸觀察所尊人壽壽賦二章

讀南欽錄奉懷安石先生陸太翁二章

讀旌栢堂錄為陸貞姑七十壽賦二章

甲戌中秋夜先雨後月寄懷陸令公二章

甲戌閏中秋又寄懷陸令公二章

舊郡公韶階徐公督學以詩幣見寄賦謝二章

豫章李太虛太史南還讀余玉山驛舍留題謬相獎

借復以佳集治書見貽賦此馳謝

寶安崔令李子木侍御遠貺書幣見索拙刻復為

張太史楊解元紹介亦索拙刻而力各致之賦謝二章  
張天如太史以書價附郡理吳公祖見索拙刻而力致  
之并完璧書價賦謝

以拙刻諸書帛力致揚維斗解元

七十有一境內外諸名碩皆以佳章見壽賦謝四章  
冬十一月韓宗伯止園梅花大放招飲賦謝二章

百慵室二章

一笑館二章

甲戌除夕

乙亥元日

有以落上沈中丞客五羊訶林社集詩見貽者用  
來韻賦寄二章

陸令公重構鶴峰坡仙思無邪齋佳賦見示裁謝  
題璽書龍召卷贈長樂張令公考績二章

乙亥守歲

丙子元日

丙子人日

丙子燈夕

丙子元夕奉懷陸令公二章

三廣文以燈夕見過留酌賦謝

譚董二廣文遊羅浮賦此訊之

正月十六夜是為耗磨之辰夜闌不寐戲而賦之

西園存稿卷之九  
贈郡相黃葵初還宜陽二章

仲春書懷

壽韓扶初

邑侯金公偕歸善陸侯遊羅浮余以病目不能往

從賦此呈之二章

陸令公遊羅浮淋雨不果以詩見貽次來韻賦謝

生日示兒輩

賀金邑侯壽誕

西園存稿卷之九

羅浮張

萱孟奇甫著

元孫紹濱來孫國楹補闕

七言近體四

鄭與莊畸園五嶺之名園也欲候呂安之遠

駕君是嵇康寄題杜甫之艸堂余慙高適戲

呈二律竊附千秋

山林風氣遠相親欲向桃源試問津鄭圃已知勝

鄭谷畸園應自候畸人曾聞珍檜鴈舒翅會見長

贈郡相黃葵初還宜陽二章

仲春書懷

壽韓扶初

邑侯金公偕歸善陸侯遊羅浮余以病目不能往

從賦此呈之二章

陸令公遊羅浮淋雨不果以詩見貽次來韻賦謝

生日示兒輩

賀金邑侯壽誕

西園存稿卷之九

羅浮張萱孟奇甫著

元孫紹濱來孫國楹補闕

七言近體四

鄭與莊畸園五嶺之名園也欲候呂安之遠

駕君是嵇康寄題杜甫之艸堂余慙高適戲

呈二律竊附千秋

山林風氣遠相親欲向桃源試問津鄭圃已知勝

鄭谷畸園應自候畸人曾聞珍檜鴈舒翅會見長

西園存稿 卷之九  
松龍作鱗我亦子真丘壑友論交何必撫芳塵

其二

君家山水有清音把臂誰同咲入林花影一庭堆  
錦繡朋遊四坐列瓊琳鶴池鷗嶼空懸夢筠筵荷  
亭尚未尋安得懶真家老筆爲君寫付少文琴

馮無文鄭湛若謁送韓宗伯因過小園留酌  
不辭褊穢識荊州曾否能輕萬戶侯天際孤帆來  
二妙尊前片語足千秋尋盟剩有烟霞癖問字常  
同鹿豕遊欲識元龍湖海氣須君更上一層樓

其二

逢蒿羅雀乃吾廬有客翩翩問索居咲爾騎牛非  
入石逢人彈鋏不歌魚且携斗酒聽黃鳥漫賦場  
苗繫白駒鎮日淹留閑晤對香爐茗椀一牀書

韓緒仲宗伯卧子舍以神祖實錄告成束  
急還朝計日爰立索詩爲贈賦此志喜

巍巍黃閣倚天開野老扶藜首重迴兜率界中瞻  
一佛蓬萊頂上禮三台元僚舊學校天去半臂新  
恩入夢來欲向太平歌慶曆白頭綵筆尚堪裁

其二

廳槐絲竹奏瀛洲三起三留賜八騶子舍枕涼輝  
寶婺楓宸席側卜金甌請看上苑誇蹲鳳不向坊  
門咲輓牛南北定盤針莫錯濟川須為截狂流

送黃士明宗伯還朝

六符曾奏泰階平翹首文昌耀紫清叱馭不皇將  
壽母承顏還喜有難兄已調一七清涼散莫啜三  
杯舊本羹為語長安棊九局願君當局且推枰

其二

遙瞻家繡五雲中鬱水靈洲此氣濃履曳星辰新  
國老座環奎壁舊宗工曾燒蓮燭光籠月誰撼鴉  
鈴夜戰風到日白麻已平讀廢歌須為賦車攻

題梁母節孝卷為陳抑之觀察女第

吞聲泣盡存黃口灑血號天祝白頭孟蜀梁孝姬

身告天願代姑病詳不須巴婦營丹穴莫羨共姜

矢柏舟顯顯阿兄今仲舉瑩瑩哲嗣有君猷宋梁

君猷請闕自表其母以如何百鍊鬚眉者却是人

間繞指柔

西園存稿 卷之九  
茅叅戎孺嘉都閩瀘川 有序

將軍諸父日用白先生與余同官西省以  
文字爲金蘭九八季海內交情指不再屈  
今墓草已宿矣歲癸亥將軍來叅粵閩建  
節鵝城余幸以世誼周旋鞭弭豈惟數口  
之家夜戶不閉卽五嶺之東海波不揚京  
觀已築此豈班椽所能勒哉今 聖天子  
睠顧三巴大司馬推轂將軍復分瀘川之  
閩蓋地以人重非人以地重也將軍不我  
遐弃見過小園爲別因拈二律以代歌驪  
西方好音余日望之矣

青衫白面舊文雄爲策凌烟第一功投筆豈同班  
定遠請纓不數漢終童試看銅柱銘南嶠何日金  
書錫上公從此秦彛不相犯休將清酒換黃龍

其二

食堪鴟鴞未革音長城暨借備滇黔三巖自足收  
三捷七縱何煩更七擒肘下御懸閩國王簪前蟬  
鑄武威金逢聞拊髀勞明主誰爲臚傳梁父吟



西園存稿 卷之九 四  
黃君常從羅浮以陳抑之郵玄度兩君書見  
貽君常且損佳什繆相暱就賦此謝之幸語  
兩先生促膝不遠也

紫水盈盈仙棹來携僧問字到蒿萊美人蘭訊雙  
函至野老柴門一日開把盞共呼溪口月停雲欲  
折隴頭梅平原斗酒頻相憶肯作山陰棹雪回

黃君常入羅浮以抑之先生芳訊及便面見  
懷佳什爲贊次來韻賦謝

獨上羅浮四百峰懷人一水半帆風欲從天外招  
黃鶴安得颿輪駕玉虹濟北自憐名過實揚州不  
復咄書空夢來若問西園老爲報今隨白兔公

寄蔡五岳叅知

廿季梁月夢紛紛翹首曾停萬里雲竹馬誼迎新  
大父壺漿爭獻舊神君薇垣瞻戀金蘭契桂樹淹  
畱鹿豕羣安得平原期十日掃門携酒共論文

東龍川宋明府

竹馬誼迎喜受塵壺漿相對合江邊自憐投分從  
今日何必論交在昔年枳棘一時鸞鳳集文章千

古日星懸莫言十室山為邑邑有青山吏即仙

鄧玄度僉憲分俸貽書注念篤摯感而賦謝

情見乎詞

澤畔行吟有所思遠道一函空

谷喜故人千里草堂資休憐贈繳施鴻鵠却喜烟

霞狎鹿麋夢筆尚存身尚健賦成不擬楚臣悲

曾元陟親家以湘陰廣文謝事還里喜而賦

之

老矣歸隱客心無柰宦情灰黃陵廟裏

詩去青草湖邊載月回正羨倦飛還密樹且呼

犢關汙萊知君雜佩葳蕤甚曾襲芳菲楚澤來

珠岡鼓嶺對衡門獨契金蘭永弗諼鹿豕深山原

有待菊松荒徑喜猶存遊因宋賈曾隨牒好結朱

陳已共村把臂入林從此始心閒身健且加餐

林下于今不乏賢君歸却是地行仙數莖白髮詩

千首一片青氈官十年覓句但尋歸詠客賣文瀕

買耦耕田勸君婚嫁蚤宜畢更向烟霞續舊緣

光聖欲委禽而元陟以象賢未及乘龍為辭故稍及之

甲子守歲

一年踪跡混樵漁斗轉今宵日月除喧櫪喜無新  
貴馬親燈猶有未完書優游卒歲閒偏健潦倒逢  
人拙更疎非惜殘更畏衰老欲留舊臘共躊躇

丁丑元旦蠹閣試筆

甲子重逢第二年閒開小閣理陳編山容遠檻依  
人舊野色窺簾着意妍四坐孫曾喧絮數一庭花  
木美芳鮮莫言眼老看如霧轉覺詩情湧似泉

題嶺梅梁月卷贈林伯遇由粵入燕

春明榕水片帆開去問黃金市駿臺顏色已留梁  
上月夢魂應繞嶺頭梅粗豪湖海詩千首骯髒風  
塵酒一杯爲語明珠休暗擲好携長鋏且歸來

丙寅初春參知洪崖王公移鎮惠潮喜而賦  
之

東方分鎮借長城瑞靄羅浮福曜明祭戟行春大  
上至壺漿就日夢中迎曾披蜃市鳩蜚鴈笑擁鱗  
符築巨鯨不是金蘭憐縞帶彛門誰復問侯嬴

其二

王春花信報江梅人日恩光徧草萊地控上游開  
兩府人從中夜望三台科名蒞榜文章伯政事薇  
垣鼎鉉才好語鄰生緩吹律一時黍谷已陽迴

丙寅初夏苦旱得雨玄度社丈以詩見答并  
訂龍潭競渡之遊次來韻賦謝

卅耦停蕪泣綠疇飛來舊雨海西頭雲霞忽報七  
襄錦懷袖涼生五月秋君向夢中頻下榻我從天  
外亦登樓欲尋河朔江邊酒肯作山陰雪下舟

學憲二無公以喜雨及登浴日亭二詩索和

次來韻賦之

西疇幸慰巫云霓望試問篝車祝幾何桃李向榮時  
雨沛川原回潤土膏多禁聲鳩婦分枝坐濕翅鳧  
翁掠水過惠我其寧自今日扶犁神農再詠下謀

即神農樂曲  
豐年之歌也 歌 雨 右喜

春明文曜煥南天綵筆驚飛黃木灣已躍虞淵誰  
夾轂忽升暘谷尚銜山赤文外朗符靈憲王字中

懸儼聖顏且捧重輪秩東作時頌皇子  
主恩詔 丹暉先滿

斗牛間 右浴 日亭

鄧玄度開府衡陽築天尺館於祝融峰上以  
書見招時奉毋山君不能奔命詩以寄謝

岩堯孤館祝融峰一榻長懸紫翠中爲問群星誰  
共摘由來帝座可能通不須白日招黃鶴且向青  
天駕赤龍

贈黃士明少宰

飄然袖拂五雲邊宮錦霞明舞膝前當局已聞能  
袖手先生去歲東急還長安某曾賦詩奉贈有超  
焉語長安棊九變願君當局且推梓語  
乘不用再加鞭三竿子舍日初繫萬里君門夢更

懸却喜欲歸歸便得閒居應補白華篇

劉廷翰將軍自碣石移閩郡屯走幣索詩賦  
贈

春明細柳碧油開橫槩題詩上將臺玉陛忽驚聞  
鼙鼓金城先喜闢汚萊誰擊赤日行天去君駕長  
風破浪來自笑白頭爲揖客尚能銘勒象牙堆

同人區季方以少司徒還里賦此訊之

稽首天王頌聖明老臣猶幸賜餘生曾憐傀儡空  
翻影却笑樗蒲盡踏阮萬事止堪供一醉千秋原

不問三旌心長髮短身能健且向滄浪詠濯纓

韓寅仲以湘潭令解組還里賦贈

樽水誰乘載石船桃源洞裏老詩仙請看膝下青  
雲起何必腰間墨綬懸掃徑時迎問字客買山休  
惜賣文錢相期百遍閒相過爲報西園酒似泉  
翩翩兩袖挹湘君携得蒼梧幾片雲我已烟霞能  
占斷君今丘壑好平分携尊共赴雞豚社把臂須  
尋鹿豕群千古靈光還我輩兒童項領任紛紛

王憲度明府招飲時以目疾不能赴移席小

寓詩以謝之

瞻依偃室媿嘉賓襪襪何辭觸後塵下榻不啻歌  
缺客曳裾原是受塵人白頭孺父扶藜至青鬢神  
君設醴頻自笑欲從陽里子尚期傾釀吐車茵  
韓寅仲和余詩見貽介以酒資豈欲損有餘  
補不足耶賦此璧還兼訂桃源之約

多君高誼薄秋旻白雪朱提及我陳却笑傷廉更  
傷惠似憐同病亦同貧李呂坐上啣盃少杜甫庭  
中畏客頻明日披帷須一醉桃源誰謂是迷津

八月十六夜林寄寰韓寅仲二明府同姬命孝  
廉過集候月不至得春字

疑雲斜漢澹蕭辰角險耽佳擊鉢頻燈下綵毫皆

勃敵尊前白髮盡通臣新奩未展綏山月老木休

爭黍谷春時坐上有却喜飛來黃絹句應誇坐有

綠衣人孝廉年最少

好音是懷卷奉贈司理金公榮擢乾州刺史

乾州古西周也

秦轅遮道滿江頭欲借神君可暫留戡定潢池纔

七日甲子歲博羅乘饑瞻依畏壘自千秋博羅有

十城戎索皆先着公有循州方畧為四載祥刑獨

敬由何日好音更懷我美人舊衣在西周

丙寅八月十五夜集韓寅仲宅

萬斛金波浸九垓水壺濯鬼對合杯十分輪滿秋

今半幾處砧寒漏更催好語微雲休點綴為留清

影共徘徊一尊共覓千秋句拾得秋光莫浪裁

八月十七日壽韓寅仲宴集

嘉客曾歌駒食場多君千仞獨翱翔箕裘嗣續冠

裳滿衡泌優游歲月長萬里孤臣曾獻賦一堂遺  
老共稱觴年年此日須同醉何用王喬口授方

秋日李穎孟少參招飲白鶴峰賦謝

肆筵卜夜有鄰堂顛倒荷衣喜欲狂符握玉麟唐  
節度柱題春漢仙郎九河潤竊三千里五嶺新  
恩十二章公下車有條約十二款戀主長嘶在空谷應慙維

紫藿苗場

龍門萬仞鬱巖岫爲賦緇衣禮數寬江上開尊星  
已聚峰頭歸鶴夜初殘歌聲舞影銀燈合楓葉蘆

花玉露溥欲覓坡仙賡水調瓊樓高處可勝寒

朱未央以鄧玄度觀察書過訪小園訶林

地僻柴門久不開門開時有白鷗猜自憐秋色空  
聞鴈忽漫良朋亦鑿坏問字喜携雙鯉至尋源却  
共一僧來隣仙樓上元龍在何必西園百尺臺

修六上人叅方潮陽過小園以吳用潛侍御

書來曰上人欲敷座訶杖爲衆生說法覺生  
居士業饒廣長舌續佛慧命矣西園公常有  
稱爲肉身菩薩慧業庵前菩提雙樹結果已



自然成可無一言爲護法金湯余乃相眎而  
笑遂拈筆得百十六字以當拈花上人其護  
之歸報侍御公咄咄韓昌黎從大顛遊矣第  
無量壽佛已念蒼梧帝子橐鞬湘源道左合  
掌聽馬宰官身者久之幸分數索買山錢丐  
上人成此一段無量功德又何以西園公之  
捧喝爲乎夫青蓮常生於火宅鷲子不擇於  
鷄群今公以出世想作用世法建名世業卽  
西疇就荒朱鎖異日者功成名遂令西園公  
口奉杖履襍被天鏡閣中一宿而覺卽籬間  
小草皆可作丈六金身矣慧業庵主人能不  
繞足三匝而白佛言

西來一錫忽翩翩欲向潮陽問大顛歸語生天驄  
馬客休參借法野狐禪色空喧寂皆堪證首尾中  
邊可盡捐到底還須一把火總來不值半文錢  
生心自信皆無任誰謂南宗止姓盧眯眼珠璣亦  
瓦礫療饑糠粃卽醍醐且從有處空諸有莫何無  
中更說無爲問禪堂何處是禪堂是處恐禪枯

田伯善少參登羅浮過飲小園留題四律次

韻賦謝

樓居敢謂接瀛寰把酒憑虛共看山水色東西芳  
草外嵐光遠近夕陽間欲從鮑葛探三躋遙望羅  
浮問九還呼吸公能通帝座誰云列缺杳難攀

右百尺樓

蓬徑柴扉傍水開千旄孑孑白雲堆疎叢漸覺鷲  
颯振稿壤今饒化雨培絳節拂林啼木客黃芽匝  
地護桃孩黃庭經注桃孩腎中神也自憐老圃秋容淡何日葵

門駕再廻

右品花軒

使君儒雅更風流行野忘機狎野鷗白水一廉聊  
對酒青山蒲几獨凝眸天空鴈度聲聲雨江冷楓  
吟葉葉秋自是桂叢花未得遷鶯應笑谷偏幽

右清音閣

選勝探竒愜素心逍遙空谷語移陰入林欲索巡  
筵笑輟輒閒聽跪石唵芳訊隴頭春尚遠香竟月  
下夢能尋野人未效南金報惠我空慙綠綺琴

右香玉洞

丙寅九日登百赤樓奉懷王洪崖田白園兩  
參知

紫微官閣夢中尋落日空悲望水金五躡東侯羨  
連壁一臺南美重雙金西來秋色空天地北去浮  
雲自古今爲憶登高同作賦庾樓汎菊正開襟

後人用前人之句晉唐往往有之不可枚舉  
余西來秋色空天地北去浮雲自古今卽杜  
少陵錦江玉壘二語也獨易西來北去及空  
自六字可以唐突少陵讀者味之始得別詳

西園心口語

寄懷鄧玄度時玄度亦以書見訊

憑高何事獨悲吟有美西方惠好音客到甕養殮銅

是海宅浮書畫鏡爲林插萸香滿髮已短落帽風

微秋正深蓄菊賜歌須見報

唐韋綬旣罷歸玄宗九日作黃菊歌曰安

可不示韋綬逐驛賜之爲君朗誦一披襟

吳用潛侍御特起觀察蒼梧以超和尚爲書  
郵見存賦此寄懷

迢迢秋色滿西疇老去驚秋憶舊遊君已種蓮依

西園存稿 卷之九  
惠遠我曾棹雪學王猷一泓寒玉花前鏡百尺冰  
壺月下樓却羨出山非小草肯忘杜若在芳洲

丙寅除夕守歲呈郡大父二初余公

羸肥酒熟樂無涯欲買癡癩價未諧產落非關虛

耗鬼魔降不用鍛磨齋重來佛子鳩鴻鴈余崇龜宋淳熙

中爲江州刺史有善政民呼爲佛子時里中有余佛重來天有眼之謠更囑儻翁逐

虎豹恠底西園醉長夜頻添商陸煮茆柴

又與塾師福唐林用籲同賦

更深莫厭酒杯深斗柄初回月值壬今夕薦辛巳

如願明朝算甲正從心焦頭牀底驅隅厲婪尾燈

前醉壁蟬却喜臯比閩海客尚懸絳帳粵江潯

丁卯元日試筆呈郡大父余公

相逢問歲自胡盧七十行年尚故吾竹下擘牋銘

栢葉花間拉伴醉屠蘇穀絲已向前宵禱牛馬聊

從此日呼五行書元日門前呼牛馬則六畜蕃息見說神君今錫福

不煩仙木付神荼

三之日苦寒戲訊桃源主人相對如賓亦復

入懷煖手否

西園存稿 卷之九  
何事東風不自持  
今番花信覺來遲  
先庚先甲陰猶壯  
乍雨乍晴春更癡  
淪茗小妻燒楮拙  
擁爐稚子剥蹲鴟  
知君不用肉爲障  
閉戶應防十八姨

贈林用籲還閩應舉

柳顰桃鬢未全舒  
淡蕩春光滿翠裾  
我是玄黃東野馬  
君爲忉利北溟魚  
一年客况空彈鋏  
千里歸心爲倚閭  
莫向科名問溫飽  
國門需汝獨懸書

丁卯仲春入五羊黃元卿陳太素兩國學招集太素海上亭時太素欲爲余決東官卜築

之策

移家來自展旗峰  
越分東徧一徑通  
繞檻池連珠海漲  
窺簾山倩白雲封  
多君好客頻投轄  
老我尋春獨杖筇  
安得千金買同里  
詩盟酒社日從容

陳集生太史招集令兄陳順虎東臯別業凡兩日夕

結庭人境擬蓬萊  
茵桂申椒次第栽  
看劍深宵龍再合  
論文夾日客仍來  
喬枝春暖鶯簧巧  
瘴海風和蜃市開  
不用德星占太史  
縱橫綵筆已昭回

再用集生太史韻

桃蹊松磴百花埋

皮日休有輕煖輕寒日夕佳澹野花埋語

蕩春光添客況芬蓋野色滿中懷

江淹有芬衝關蓋中懷語

奪角

見宋人奕譜

文楸局

時席中有善奕者

數豆尋脂

見唐明皇枝錄

画舫品

画舫歐陽永叔齋名永叔往往按曲于此時席中有善吟者

山水清音

足玄賞埴麈迭奏更和諧

贈陳集生太史

皎皎神駒繫藿場盤鵬猶染御爐香紫薇花下書

連屋芳草池邊笏滿牀帝力喜聞歌壤父聖明今

已頌天王願言澤畔凌雲筆莫向湘纍續九章

劉觀國方伯以密娛軒索詩賦贈

數肘幽居綠滿盈階前百草日欣榮亞枝玉樹花

爭發

觀國有玉蘭詩贈炙人口

斛水朱鱗餌不驚千古周旋寧

作我一時禮法亦從卿焚香掃地無餘事獨向縹

緗覓舊盟

何龍友太史還朝以出山詩見示余既次韻

答贈陳集生太史復即事賦別余又次韻同

賦

西園存稿 卷之六  
白頭月日喜經題遠別新得意轉婁共說天南威  
鳳起却憐江北杜鵑啼玄黃莫問群龍戰函蓋還  
須隻手提憶我絲綸曾共掌憑君一訊舊金閨  
數尺冰壺千尺雪五經腹笥九經潭虛席黃扉慰  
遠道踏門朱履盡奇男爭看據地旋雙袖何事同  
曹惜一簪既醉且歌壘有恥獨醒休問醴爲甘

舟次海珠寺卽事寄懷寶安同社諸君子

乘桴已草觀濤賦問水非尋汎海裝江上夢竟空  
戀闕人間鬼儡盡登坊勿停雲欲作重遊客倚棹還  
思舊醉鄉已半春光且教駐爲遲花國老平章

清明日東還宿黃木灣

爲市江魚薦叵羅忽驚水鳥起盤渦夜晴曉月窺  
人近野澗寒星接地多破浪帆懸船是馬乘潮更  
報鼓爲鼉到家候稚應同笑冷節虛從客裏過

王幼度明府黃元卿國學陳集生太史訂遊

羅浮擬過小園詩以促之

拄頰遙看喜欲狂芙蓉萬片鬱相望一年花事春  
將暮十日心期客未償已付青山共臘屐更呼黃

西園存稿 卷之九 六  
鵠促霞裳知君不負平原約四百峰頭待舉觴

神仙窟宅可冥搜何日同登十二樓勝侶已從青

眼得名山宜載綵毫遊迎人木客聞相語逐水桃

花空自流為報西園有粗糲淹留一日亦千秋

丁卯禊日韓寅仲招同余士翹明府韓舜庭

將軍汎集鷗社

鷗群狎客鏡中酣曲曲晴波照蔚藍具美玉窟惟

有四芳春日月正逢三亞枝壑岸紅千點粉籜環

橋綠半含共喜青山容客傲莫辭白髮對花慙

題法曜秋高卷壽溫青霞侍御按楚

嗚騶我豸羨臺公三楚澄清六轡雄法曜光寒雲

夢澤壽星高映祝融峰 唐人與一東通 中朝獨坐霜飛簡

南國埋輪鐵駕驄簪筆已簪倚史筆採風須採大

王風

壽曾澤鄉觀察內君陳恭人七十有一觀察

兒默之婦翁也時觀察已捐館矣

玉女峰頭結黍珠東園公去菱星孤 觀察有園翟日東園

冠地上西王母鶴髮人間女丈夫 恭人以柄下陳家著聞



西園存稿 卷之八  
魚貫歌流荇獨夜熊丸咏  
將茶自媿癡兒非抱朴  
喜隨雙燕儷鮑姑

丁卯夏四月奉懷荆璞翁公祖

長懸梁月憶攀轅  
知己千秋獨感恩  
日對峴碑空  
墮淚時過必  
閣更銷魂  
衮衣章甫思無斃  
子弟田疇詠不誼  
爲訊東山高枕處  
追鋒何日駕朱幡

丁卯夏四月郡侯徐韶階携同歸善龍川兩  
明府韓姬命孝廉入羅浮觀洗耳泉登水簾

洞分韻賦別

驟鸞駕鶴到烟蘿  
石上清尊奈別何  
講德豈同彈

缺客

侯守郡三年余有國士之  
遇未嘗以口腹相干

采謠須聽濯纓歌

高低樹色一  
遠  
媚斷續泉聲晴更多  
顏尾臨流憐  
白首何時重沐舊恩波

韓寅仲築其先公祠成庭有雙棗不日植之  
結實繁碩此吉祥也詩以考焉屬余和之次  
韻賦賀

穀城蓬岳帶雲移  
葉彩花光五色披  
隱語可容張  
祿射雲根應是趙瑩遺  
如瓶纂纂誇無核  
軟玉離

西園不種  
卷之九  
離勝弱枝最美薦馨觀世德璣青磔紫霄路華滋

歸善王憲度明府有事羅浮夜還過小園幸  
獲停饌媿未投轄以詩二章見贈次來韻賦

謝

蓬蒿短徑月初乾道左壺漿候夜闌飛鳥雲留雙  
影駐揮毫霞染九光寒干旄莫惜行春至夜竹還  
宜卜晝看老圃但知歌擊壤陽春白雪和應難

緲輪來自白雲隈地主慙非單道開載燧騶聲騶  
宿鳥披帷屐齒破深苔燈前此夕凌雲筆月下連

霄禮斗臺莫負平原期十日何時投轄再啣杯

次日龍川宋元實明府隨過小園留酌竟日  
亦以二詩見贈次韻賦謝

天路招邀紫翠隈峰雲四百爲君開石欄對酒題  
桐葉竹閣披襟蕪海苔問俗神君曾秉燭尋盟仙  
令更登臺西園自是羅浮主一個峰頭酒一杯  
小有烟霞自一丘花光竹氣醉中收藥携丹竈雲  
生袖洒傍青山風滿樓荒郊叢棘蘄棲鳳野水微  
波亦下鷗若問鹿沙量月影西園猶未種閭浮侯

心梵處妙契宗門嘗  
撰徑山志行於世

丁卯八月四日移家羊城督課兒輩省試因  
柬同社君子

深宵桴鼓滿江干故國猶歌行路難作客惟求三  
徑益投林欲覓一枝安年衰豚犬挂懷抱海濶鯤  
鵬羨擊搏安得高陽長接壤與君杯酒日團圓

移家羊城道路戒心帥府以帳下戈船來迎  
自榕水至珠海遂獲利涉賦而謝之

丈夫何必撫塵遊聲氣千秋自應求忽漫乘桴携  
數口却憐破浪蕩孤舟鴛原玉友歌和樂麟閣金  
昆詠好仇此日揚靈能利涉不効吾道付滄洲

抵家示兒輩

何事虛乘八月槎歸來惟對舊烟霞箕裘自笑兒  
孫拙林壑空羸歲月餘閉戶著書金享帚避人高  
枕筆生花賢愚不問從彭澤天運吾生豈有涯

上董長馭督學

有序

長馭先生蕉源壺園春明讖嘲鑪頭蚓鳴  
飲酒長安襍興藥洲諸詩古體則黃初以

上近體則大曆以上洋洋乎正始淪淪乎  
大風嗣三百篇風雅之希音衍數千年聲  
病之正派一時蛇神牛鬼汎掃無餘吾黨  
寶筏金針具瞻攸在讀之兩月肉味皆忘  
服以終身瞻前忽後每一唱而三嘆輒三  
復而九廻謹效俚語四章竊獻心香一瓣  
敢曰同聲相應第知索賦以從仰窺有教  
無類之宮墻尚亦有始有卒之歌瑟拜函  
魂竦擲筆神馳

并載雄名滿九垓龍門萬仞倚天開爭誇漢室凌  
雲筆不數梁園賦雪才木鐸已携麟史至金聲曾  
和鳳歌來千秋大業瞻山斗吾黨成章盡取裁  
栽培桃李念榛菅海日天門近可攀得士已能酬  
聖主藏書端不負名山同遊述作思陶謝命世文  
章陋馬班白首掃門猶未晚雙龍已合斗牛間  
筆爲麟角橐爲荷倚杖蓬萊一浩歌  
公藥洲詩除  
書猶得近蓬  
萊又倚杖遙  
歌天畔臺  
玄構九霄開日月靈源萬派決江河  
天人不用陳三策文學還應首四科錫我百朋何

西園存稿 卷之九  
以報揚舟汎汎賦菁莪

羅浮何日駐颿車  
桂父蒲仙擁路隅  
請向霞峰騎啞虎  
已從珠海啖飛魚  
紅顏羽翰曾遺履  
黃髮漁樵尚著書  
孑孑干旄今在浚  
可能一問子雲居

寄文文起太史

余以戊申典榷澣墅  
已酉春竣後時太史文起先生尚在公車  
授詩見贈首曰謾說東南財賦地  
使君目擊此凋殘  
末曰還朝宣室宜條對  
爲報吳儂力已殫  
而中則曰百年生聚征輸盡千

里荒疲調劑難  
此與樂耕莘而耻納溝者千古兩人而已  
今聖天子賜環側席一德格天調劑是望  
豈惟三吳將四海實加賴焉  
白頭壤父木已拱矣  
契濶廿年訊候復闕末由言晤  
惟有夢思追憶二十年前  
投瓊不一忽忽皆未裁答  
今耕鑿稍暇乃次已酉見贈佳什四韻爰附郵筒  
妄窺記室以見嚮徃非敢仰酬來美也  
自哂小巫神蓋思澁目翳腕棘不知可芥壁否  
紫殿傳臚曾首唱  
孤忠一疏欲除殘  
杞憂自信先

西園存稿 卷之九  
庚易肉食空嗟後甲難控鶴爐香薰繡被盤鵬宮  
錦覆金鞍遙聞宋國珠猶在卻喜池魚不復殫

陳集生太史以諸將詩五章見貽次來韻賦

答

南風不競腥雲漲北斗常戩赤羽馳蔽結隔垣窺  
趙魏襟荒爪幕問軒岐須知勢面攢刀日却是磨  
牙反噬時自信傍觀能審局邢苗分邑莫教遲邢

靈苗賁皇見左傳及  
余聞詩小註

前徵宮商應管霖入關空有五侯俱未聞素服迎

秦帥浪說彎弓射郢都降魔倒授金剛杵奔命紛  
飛竹使符且向咽喉問通塞休將唇吻較羸輸

及鄭何妨亟勦民休論老上與軍臣啓疆聲吠

輦懸闕覓驚塵畝人間外十連空彳亍隆中三

顧未繁頻杞憂婺恤嗟壘耻不獻金錢止獻身上老

軍臣漢單  
于文十名

推轂遙聞六乘傳宵衣肝食徹宮縣文昌袂入中  
黃暗左角光搖太白連魯國未橫曹劌劍秦庭誰

贈繞朝鞭涉川莫忘衣初戒巢幕曾經曲突然

詞場掉鞅百夫雄擁膝長吟桂海東酣戰魯陽曾

止日霸心漢祖數歌風轉圜正喜逢二接走檄遙

驚遍百回為報文淵雖矍鑠煙霞已錮萬山中時有

請纓報國者得余所作圖詩又欲疏薦西園公共事余亟馳書往止故戲及之

壽徐海翁八十有一

虞廷遐筭羨皐陶一代勲名冠 四朝豹飾鼎司

分八座驚車棘市曳雙翅青山自足供高枕黃髮

休教戀左貂為語廷中諸岳牧何如天外有松喬

陳景文病篤以大夢詩見別因次其韻復之

捐四金以經紀其後事

嗟君骯髒向人間泉石烟霞日日閒半世無家空

白首千秋有骨在青山良朋寢右空餘滄遺艸囊

中不用刪始信去留皆大夢月明華表幾時還

庚午季秋病困一月尹用平年兄以詩見懷

因及潢池多警欲入居羅浮用來韻賦荅

自憐遊日愛三餘却恨初年不讀書今已據梧親

藥裹誰同擊壤咏康衢青編塵篋吾衰矣白首玄

西園存稿 卷之六 二十七  
亭意晏如見說馮彝今佩犢煩君同上屈平居

張忠叔以循州叅軍假余邑司馬取悉還刻  
東宦評卓爾宦橐蕭然次陶靖節歸去來  
詞韻見示時病困不能折柳枕上得五十  
六字力疾捉筆書以贈焉靖節曰雲無心  
而出岫忠叔念之西園公七十有三矣尚  
能隨竹馬迎舊袞也

羅浮寄祿暫徘徊何事長歌歸去來喜有年騷囊  
裡句且澆磊砢眼前杯一時宦態從吾拙千古雄  
心任爾猜此去還來休更暮有人騎竹瘴江隈

病困兩月里中親友數四過存幸少有間賦  
此呈謝

久矣吾衰可若何毘耶城有老維摩豈將書鬼隨  
山鬼漫說詩魔卽病魔敝帚千金空自享白頭兩  
月未能梳靈光曾燬今猶在把臂還期共嘯歌

辛未元日戲筆

年開節軟淨朝暉衡泌棲遲可樂飢簡竹盈車青  
未刷筆花入夢玉常霏二三小婦陳椒頰六七孫



孩挽荔衣共說春光遲五日後園桃李已芳菲  
有欲尋讀書社舊盟者余因追悼陳景文及  
亾孫堪賦此答之

胡然聲氣昔相求忽爾參商不自由莫遣交情如  
斷梗請看物態總浮漚蝮蛙穴鼠緣何事溪  
蠅尚未休爲憶孫枝凋玉樹更憐宿艸滿荒丘

壽區季方年兄八十有一

七星帛上一星懸五豆常珍羨罔愆履曳星辰天  
錫老坐分槐棘地行仙君應白髮三千丈我附壽  
雲五十年始信長生真有訣千秋道脉賴君傳

年家董叔遠以詩見訊賦此答之

往哲曾稱先子畏新詩今見後昆奇回頭桂籍棨  
星落舉目練裙道路悲骯髒正平刺常弊疎慵文  
舉客今衰相逢爲語山陰棹老子津梁久已疲

制府姚江王公疏薦地方人才謬以見及註  
曰原任貴州平越府知府張萱學窮二酉  
胸富五車嶺南開著述之宗天北起斗山  
之望卽未

西園存稿 卷之九 二十九  
報聞第草莽之臣獲以姓名從諸名流入公夾  
袋亦感恩知已矣賦此寄謝

烟霞錮疾廿年餘斷簡殘編老蠹魚  
享帚自憐曾夢筆藏山猶有未完書  
遙知宣室能前席不向平津再曳裾  
韞匱非關求善價逐臣終計在樵漁  
淹畱叢桂歲寒盟偃蹇空高物外情  
捧日心常懸北闕凌雲賦未奏西京  
盲公腐史誰同駕祭溺長沮且耦耕  
却喜斯文猶未喪敢云吾道亦將行

浮雲變幻路多岐衡泌優游久息機  
脫兔出林方走壙雄雞斷尾不爲犧  
消磨歲月書千卷領畧溪山酒一卮  
寄語逢人休說項不才明主棄如遺  
孤影傷弓鍛羽翰繞林今幸一枝安  
素飡曾飽侏儒粟短髮休彈貢氏冠  
自信初衣勝單綬豈將手板換綸竿

壬申夏五偕諸君子携酒徵歌於二餘堂時  
主人以便面詩分貽卽席次來韻賦謝

詩情酒態宛奔瀾買咲迷香錦繡團  
美日正憐眉黛斂痴情却咲帶團寬  
燈前艷曲周郎顧霧裡新

花杜老看欲瀉銀河添玉漏厭厭夜飲罄清歡  
如澠美酒助情瀾肉陣沾嬌咏白團樹繞流鶯歌  
扇動簾開驚燕舞衣寬絕纓有客休頻問解珮貽  
誰共咲看慶朔堂中開洛社春風幹當日交懽  
非水居告成六月七日迎諸君子及諸歌姬

同汎賦此代柬

雙橈上下且從流為採芙蓉出蓼洲奏伎喜同玄  
圃汎時有女樂侍酒尋源共續武陵遊絳虹橋西園畔飛  
青雀香玉西園洞林前狎白鷗已辦一尊聊避暑者試

看榕水屋為樓

龜枕荷裳舊釣磯東晴西雨問津稀風雲江上堪  
娛老蝦菜船中已蚤歸家釀欲傾河朔客明璫曾  
解漢江妃乘風載月常容與百遍相過共樂饑

閩友林允兼偕韓宗伯余明府徵歌同汎非

水居允兼以便面詩見貽用來韻答之

船載莫愁人有五尊開不速客來三柴桑賦就閒  
情劇顛尉毫揮醉墨酣綺滿遙天霞乍散影翻絕  
壁樹猶含幔亭高宴君曾與為我虹橋作指南

辛未秋盡黃花未有放者數飲止園頻問花  
信欲携酒候之賦呈主人

名園賓從日逶迤我自巢林戀一枝荒徑已尋彭  
澤賦短筇惟赴尚書期看山坐樹頻呼酒倚竹臨  
池細和詩爲報西園春小園新釀名已熟寒花曾否滿

東籬

冬十一月止園黃花大放携尊偕韓寅仲余  
士翹過之時寅仲七十有一因以爲壽

百遍相過去復來玄屏更爲壽朋開雲間喜抱林  
邊石月冷常留樓畔臺看竹子猷仍看菊停雲三  
亮不停杯主人愛客坐常滿把酒冷英日幾迴

辛未守歲

窮年惟狎鹿麋群此夕辛盤賽典墳已往隙駒空  
擲口尚畱健犢可耕雲辟邪不用迎振子徼福何  
須媚竈君七十四年渾鼎鼎自憐不負北山文

壬申元日

玄默澗灘樂足湛轉旋秘密少人參從心自喜今  
餘五不朽空慙未立三咲看林花雲漠漠時病日未間

戲簪幡勝雪氍毹芸香閣上人高枕可是琅函五色蟬

壬申元夕日青未間時有庾嶺警報

銀河五夜駕星橋蓮焰蘭膏玉漏遙攝日篝燈呼小婦閉門畱月度良宵兒童喜報紫姑至衰病憐綵筆驕爲問崑崙關外戍捷書何事尚寥寥

襄以元夕破儂智高於崑崙關

壬申正月十七夜劉令公賜續元夕惠臨賦

謝

良宵已度月明孤檠燭推愁尚可呼共喜樂郊無

傾鼠何期永夜集仙鳧續遊不用一錢買

錢越下進錢十

萬於宋太祖買十七十八夜張燈再續元宵

勝會休云五夜徂草莽自

難徵福曜枯芟何日盡昭蘇

壬申上巳脩禊小園以雨不果

老去春來憶勝遊欲將吾道付滄洲驚濤夾岸時相蹴宿漲迎潮不肯流問水豈堪歌秉簡停雲誰復賦登樓閉門覓句頻呼酒小婦花前共唱酬

二十三日喜晴迎諸君子集蓼雲樓詩以肅之

翩翩春服美遨遊麗日晴薰杜若洲漫說握蘭追  
上巳遙思圈柳宴東流鶯聲出谷樹邊樹山色入  
簾樓上樓爲報花刑今已緩可容真率一相酬

花刑

詳清  
異錄

人林間作采真遊共對青山綠水洲沐雨煙鬟嬌  
欲語迎晴嵐黛翠常流何來佳客同看竹可是仙  
人自好樓共說春光畱一日新詩濁酒喜交酬

阮璣衡以武科特起都閩東粵入賀賦贈

天南日月羽交馳小隊軍鋒獨授綏自喜投戈能

講執更置緩帶數塞旗師從枕上稱三捷甲富胸  
中擅六奇白獸尊開君祭酒天顏有喜虎臣知

讀張元應詩草賦贈

金蘭世講十年餘何意天涯共啓居世自呼牛又  
呼馬君今歌鳳不歌魚神交四海非他姓大業千  
秋獨起予仙令畫簾日多暇庾樓嘯詠復何如

陳集生太史以便面賞花及遊訶林二詩見

貽用來韻賦答

春色將闌花更明枝頭求友亦爭鳴自憐性癖詩

爲崇不信吾衰酒是兵壯志未銷歌寶劍柔腸欲  
語譜銀箏遙思把臂翩翩客領畧花神幾許情  
祇樹林中寶相鷲迹名未得却迹禪搏天金翅知  
何處入海生已幾年休問南能臺上鏡且燃太  
乙杖頭烟西園老矣原疎懶不識仙緣與佛緣  
太史書來殊有已而之嘆賦此懷之

樓連衡泌足優游梁月江雲入夢幽漫喜君恩收  
覆水且存道流人間塞馬何須問天外冥  
鴻不可求爲語東山休賭野聚霞峰下有丹丘

壬申五日小園獨泛

颯颯香風送菱荷琅玕兩岸水如梭欲駈佺虎懸  
人艾爲狎監鷗去雀羅舉目少年兢旗鼓側身平  
地有風波停撓不向湘江去且聽滄浪濯足歌

陳集生太史以其弟喬生白玉樓記傳奇索  
序詩以贈之

文筆翩翩羔雁群錦心綺歲更推君東山嘯傲同  
安石南海揚靈有陸雲見說洛妃曾解珮可容大  
令再書裙瑤天笙鶴今盈耳黛玉軒中硯已焚

西園存稿 卷之九  
陳集生太史以竹下新詩便面見貽次來韻  
賦謝并貽歐嘉可

何來天外奏雲和更憶花前捲白波竹醉可隨人

共醉烏歌常喜客同歌鳳已覽輝猶蔚跂杜甫西岳賦

牛曾礪角莫摩挲唐詩牧童敲火牛礪角誰復羊角手相摩挲西園亦有

此君在不見王猷可若何

夏抄陳集生太史以便面二律見懷歐嘉可

國琴亦同韻見懷一律用來韻賦答

氣求聲應自相親絕世交情出世人共愛一生潮

海氣不沾半點古今塵乘秋已辦登山屐看菊須

尋漉酒巾獨夜正憐梁上月夢來百遍莫辭頻

林空晝永枕書眠寫葉太史齊賦飛來自木天好我每

貽池草句懷人時詠木桃篇相期共拾朱明月莫

忘同棲碧海煙爲問延津何日合斗間龍氣正高

懸

黃逢永廣文病足還里以便面一律見懷次

來韻賦答

西園不斷白雲封地僻惟西鹿豕踪憶汝拂衣辭



首宿願言稅駕館芙蓉乘飈欲出三千界拄杖還  
同四百峰尊足旣存因退步何須曳履躡夔龍

止園主人以雙鶴詩三章見示用來韻奉酬  
病日命筆不足存也

慈恩塔院賦詩還來集名園水竹間不是淳于遺

楚國會爲子晉別緱山毡毳映月林披縞毛毳黏

花玉染斑長奉主人千歲樂巢雲登木伴雲間抱朴

子晉千歲  
者登於木

雕籠載自鳳臺城共喜胎仙下玉清宛頸聯拳三

島夢長鳴軒步九霄清嘗即厭淡數行字蘇耽次

震雷門萬里聲淮海如語樊籬諸燕雀休跨鯨運

與鵬程

何來羽客日連翩猶記塗循入貢年髓應成骨同  
丹轉翮已開輪照雪鮮皜皜知爲君子化昂昂豈  
愛世人憐西園亦有和陰者接響聯飛榕水烟

壽澹屋老人八十有一

老人郡駕廖公之封君也就祿郡署秋八  
月十有五日为覽揆之辰十邑紳縉舉兕

西園存稿 卷之九  
觴躋公堂九頓上壽詳具大宗伯韓公贈  
言萱以受廬之民爲通家之子懽喜無量  
勉短捉筆以侑酌者

清暑秋中桂魄圓羅浮仙樂奏華筵

羅浮有夜樂洞賢人福人

至則仙樂夜鳴詳博羅志白頭就祿方升日紫誥承恩大耋年

百丈峯前天錫老靈源洞裡地行仙十城共效岡  
陵祝遐算綿綿滿大千

清漳鄭肇中文學昔者社友鄭輅思觀察之  
哲嗣也壬申秋九月以詩見訪投轄小司

次來韻答之

遙憶金蘭第一流暮雲春樹夢中酬遠携珠玉驚  
人句窮探烟霞絕壑幽世業登壇雄萬古豪遊傳  
食貌諸侯開尊下榻歌招隱不負山陰王子猷

雙壽詩爲碧月老人八十有一賦

午夜瑤光入絳庭天南高挂老人星非熊不入磻  
溪夢老蠹曾食伏氏經繞膝孫曾披萊綵齊肩夫  
婦集墉城懸弧正喜天中節爲報椿蔭萬六齡

壬申守歲

銀漢初斜斗轉杓尊開婪尾夜迢迢迎新巳得春  
三日去故仍畱臘半宵階下孫孩喧爆竹燈前小  
婦頌盤椒古稀又六明朝是磊砢還須柏酒澆

壬申初夏槎江邑侯存初王公以課績考最

振旅策勳喜而賦之得五十六字

有序

公之令我槎江也三年有成矣治行卓異冠於  
十邑誠嶺以東二百五十餘年所未有者載在  
口碑列於薦剡不具論歲庚午閩粵之疆事不  
然嶺海交訐其間依草附木佩犢揭竿如陳萬

鍾靈秀葦實繁有徒以搖蕩我十邑滋蔓辛未  
遂後焉啓驅於閩楚度庾之交破始興躡樂昌  
不可嚮邇幸款於注之君子雖環四境未聞有  
以一矢相加遺者簡書赫怒三鎮會師九連  
之山其走集也蕞爾槎江實遍處此一時文武  
大吏徃徃以槎江爲宣榭幕府和門皆鱗次焉  
執爨于邁亦惟公之馬首是瞻公輒躬親蘭綺  
單騎以探虎穴而櫛沐風雨凡數月於是三鎮  
之士賈公餘勇摩壘插羽陳萬鍾靈秀諸渠魁

西園存稿 卷之六  
相次面縛九連始入版圖十邑皆安釜鬲策勲  
飲至公實最焉時公亦以三年最聞勸駕追鋒  
匪朝伊夕萱羅浮之壤父也竊潤洪河已非一  
日大馬誓報燕雀賀成能無一言以識履戴稽  
首載筆情見乎詞

福曜高懸照一同槎江紫氣滿天東驂騶踠足旋  
丘垤威鳳迴翔集棘叢撫字催科書上考歸俘獻  
藏策元功山城久矣勞仙令竚見飛鳧入漢宮

奉贈峯翁神慈八觀

瑞輯天南入望賒驪峰晴色滿蒹葭雲迎鮑靚  
鳧鳧日麗河陽萬樹花赤縣題屏書上考黃金加  
塵捧新麻遠臣則壤無長物惟有羅浮一片霞

題永新劉封公賢祀錄

玉笥峰頭紫氣熒爭誇燕翼福爲星閔曾至德孚  
輿論濂洛真傳釋聖經華胄煌煌推相種啓宗秩  
秩薦明馨訓忠已冠循良傳作述千秋照汗青

甲戌正月八日立春呈陸岱瞻令公

宜春寶宇綍啣龍蒼帝初乘列子風鯉渚棠陰歌

西園存稿 卷之六  
召父驪峰藜杖候萊公花前綵勝開雙篆竹下雲  
翹舞兩同仙令行春噓黍谷陽和先滿兩花封

春三月十有七日岱瞻陸侯覽揆之辰也時  
侯以歸善令兼攝博羅不肖萱忝在世講  
復幸以文字交最驩最篤旣從諸薦紳縫  
掖乞言椽筆以侑勺者再獻俚語二章以

效岡陵之祝

彌天瑞靄正懸弧名世生申應斗樞坐擁兩城棲  
枳鳳焱馳千里試風駒綵毫時散丹霞綺麗句常

探赤水珠仰注兕觥窺洞勺尚隨壤父咏康衢

榕溪鯉渚共神君三祝華封兩地分樂只已聞齊  
召杜斐然今更羨機雲蒲鞭長挂閒歌嘯竹閣端  
居樂典墳游寵黃金來北闕且調綠綺奏南薰

弔朝雲墓用歸善陸令公韻

萬斛春光一段情荒叢杯土憶傾城言從天上尋  
衾抱不向人間浪目成芳草已憐浮蓋盡游絲休  
逐片雲輕見說梨花不同夢可曾石上話三生  
西湖原是莫愁村路印凌波繡襪跟淨業已歸埋

西園存稿 卷之九  
玉地信根應結湧金門鶯聲兩兩花前恨橋影三  
三月下蒐茂宰憐春一憑吊如雲雖有匪思存

陸令公再過小園時余他出不及掃徑開尊  
賦此申謝

敢云高尚傲王侯福性幽棲之一丘看竹嘉賓非  
問王入林仙令再登樓豈因謀野聽鷓雉可是行  
春只狎鷗見說尋芳時覓句行庭不見亦停驂

觀察洪公過訪小園留酌賦謝

西來紫氣照天東關土開疆萬世功  
時公掃除九連山宿寇創

建連平州緩帶喜延東閣客揮毫獨振大王風  
公有小影集行

於世并寄題小園五形檐拂柳鶯遷木絳鞢穿花  
十四章詞林贈炙

蝶護叢咫尺轅門儼山斗可容千邁數從公

墻東避世豈名高抱甕荷鉏不憚勞花徑祇應來  
竹杖浚郊何意駐干旄朱華耀日追唐雅綵筆凌  
雲續楚騷尊酒論文頻促膝餘霞散綺浦蓬蒿

壽陳梓白七十一

回頭轉憶少年遊鼓篋珠岡有太丘甲子多君惟  
六歲溪山留我共千秋投閒日蠟旗峯屐難老頻

添海屋壽百尺樓頭遙舉酒華封三祝思悠悠

甲戌夏六月日病自悼

太乙青藜不復照冥搜海岳亦何爲囊螢數夕已  
辭案夢鳥前宵尚入帷自惜縹緲塵已滿不禁昏  
翳淚常垂丘明國語成何日大業千秋欲付誰  
胸中雖正眸今眊陽里東門病共憐憶昔逢人能  
白眼何時披霧覩青天停鑣客少論文酒較筆囊  
無賣賦錢心力亦思留目力離婁須結再生緣  
書淫傳癖從吾好幾得方瞳青再回晝永但思常

伏枕客來誰復共登臺兒孫憑膝猶疑問笑語聞  
聲亦浪猜可是世情難着眼故令老眼不須開

九如三錫詩爲誥封中憲大夫陸太翁

誥封恭人陸太母雙壽偕封賦時太翁太  
母皆駕還當湖南海諸薦紳相率稱詩爲  
賀最後萱乃得而讀之亦以二詩繼進自  
明嚮往情見乎詞

璽書三出漢明光共祝岡陵樂未央紫誥椿萱雙  
白髮華堂橋梓兩金章謀貽賈贄勳名舊燕翼機

雲翰墨香粉社日開三壽宴星宮遙獻百神觴端

圖經七星巖為帝觴百神之所

弧光婺彩映薇垣乍浦陳山紫氣團借隱已霑五

馬祿倚閭遙問七星巒亦知將詵頰登岷為報長

歌共考槃有客思親猶在洛尚勞四駱駕和鑿

讀南欽錄奉懷安石先生陸太翁非敢竊附

於金蘭妄欲自同於臭味第知聞聲而應安

得撫塵而遊遙獻二詩自憐一快不辭穢陋

以見歸依結想終生披縑何日

海屋呈珍玉筍圍瓊函霞綺自天來千金不賣長

門賦片語龜蓀鄰下才玉屑金聲蜚麗藻錦心繡

口妙新裁誰言身隱文焉用自有雄名遍九垓

掉鞅詞壇四十年凌雲賦就正翩翩高懸赤幟黃

初後獨探玄珠大曆前綺歲青錢曾入選白頭綵

筆更飛騫休明鼓吹君為政何日承犧一執鞭

讀旌柏堂錄為陸貞姑七十壽賦貞姑今憲

副廉石陸公之姑也姑年十六歸同邑叅知

馮公臯謨之子曰春暘甫暮春暘逝姑舉遺



腹子五歲亦夭姑投繯觸棺誓殉地下左右  
力護視始免叅知公傷其志欲為擇嗣無可  
擇者乃以幼女為姑之女是貞姑以小姑為  
女亦為子也蓋義起矣叅知公曰小姑長唯  
婦擇婿婿之於是憲副公為貞姑之婿憲副  
公郎水部日輒疏貞姑之節以聞得報  
表間稱貞姑云歲甲戌姑年七十矣八月既  
望為設帳之辰憲副公適以入賀過里乃  
索拙句為壽不得辭敢以三章侑勺者

白髮貞媛壽古稀高秋寶髮鑒空惟稱觴喜見堂  
前婿御食何殊膝下兒早寡陶嬰黃鵠賦靡他齊  
女栢舟詩千秋三節姑為最特拜恩旌著一時  
終身從一報重泉難老應知錫自天表宅不須煩  
沛相東漢劉長卿妻相氏事沛相王吉也陳情今幸有阿玄星輶嵩  
祝金華殿畫錦尊開玉潤筵共羨未亾人匪石不  
磷完節自長年

甲戌八月十五夜先雨後月寄懷陸岱瞻明  
府

使樓賓從正徘徊仙令憑欄雨色開遙憶今霄揮  
綵筆懸知明歲築高臺鶴峯霜肅老狐拜鱷渚波  
恬狎鳥來曲奏紫雲飛匹練與誰同駕玉橋回  
絃管吹雲挂玉盤囊傾盛露集金蘭已知元獻招  
君玉不用文簫駕絲鸞時有梨園女樂之禁棠蔭正思霑化  
雨霜娥何事怨微寒誰云室邇人常遠一水盈盈  
喜共看

甲戌閏中秋又寄懷陸明府

三秋何處看南侶秋光喜暫留前月廣陵濤

已賦今宵天柱客仍遊文心茂宰詩應續皓首騷  
人醉未休法喜可能重奏笛元規想亦復登樓

懷人對月坐更闌木雁題門指又彈月閏玉盤今  
再轉秋中桂影却重攀去年此夕秋將盡此夕明  
年秋亦殘安得年年逢此閏長分末照奉清歡

甲戌舊郡公韶階徐公督學以詩幣見寄賦

此馳謝

一水蒹葭兩岸楓懷人秋色滿天東遙思盡集黃  
堂客為戀靈椿白髮翁遠志自知非小草祥鸞何

事羨冥鴻 聖朝木鐸今虛席 慎勿淹留舊桂叢  
 解綬歸來翰墨林 千秋自命喜書淫 竒人問字披  
 帷至 佳客論文載酒尋 入夢國香蘭馥馥 趨庭相  
 種玉 森森善榘洞口雲常滿 爲報蒼生望雨露

豫章李太虛太史南還讀余玉山驛舍晉題  
 既賦二絕謬相獎借復以大椿堂佳集治書  
 見貽獎借益隆余於太史未同真獨知之契  
 也賦此馳謝

瑤緘迢遞自南州 爲問羅浮桂樹幽 求友幾年懸

兩地代興一矢共 千秋彌天霞綺今 遙散照乘明  
 珠忽暗投安得登龍常 御李白頭鼓篋撫塵遊  
 寄題沈乃功別駕暢園此有山

名園芳漱日湖傍 此有幽竒勝辟疆 座挹千章簾  
 外翠林飛百和 酒中香難兄曾賜金蓮燭 繩祖重  
 開綠野堂 我亦君家桃李輩 至今夢遶舊門墻  
 人爲先師文 恭公哲孫

寶安舊令姑蘇李 子木侍御讀禮里居遠 賦  
 書落見索拙刻復爲張 天如太史楊維斗解

西園存稿 卷之九  
元紹介亦索拙刻卽以拙刻耑力各致之賦  
此馳謝

長安北望思悠悠白首停雲百尺樓明月屋梁千里遠  
其崇海國萬年番封囊問夜排闥入持斧飛霜攬轡遊  
見說栢棧方抱痛尚知天外有巢由  
癸水壬山老蠹魚回思東閣曳長裾藏山媿乏枕  
中秘載贄曾窺柱下書漢室可能思董賈梁園誰復繼  
應徐羅浮自是青城地爲愛遺簪問索居

張天如太史旣寄聲於李子木侍御見索拙  
刻諸書復以書價附郡理吳公祖見賦不敢  
拜領卽緘拙刻諸書致之并書價完璧賦此  
馳謝

山斗雄名懸日月思玄情物元靈襟玉堂永夜青  
藜火紅藥芳春白雪音下筆已聞破萬卷購書常  
不惜兼金當年我亦紫薇客鷄樹因君復夢尋

以拙刻諸書耑力致楊維斗解元賦此并寄  
英華南國正繽紛桂籍掄才獨冠軍臚唱首傳將  
應帝齊盟狎主已推君能從北海知玄德誰謂人

西園存稿 卷之九  
間乏子雲君始壯遊吾已倦何從尊酒共論文

戊辰七十有一境內外諸名碩皆以佳章見  
壽賦此奉謝

頭童齒豁腹便便衡泌優游獨灌園何事彫蟲工  
繡悅空嗟老蠹飽殘編浮漚石火三千界教骨雄  
心七十年共說海籌又添一鏡中應有故人憐

其二

曾將吾道付滄洲一枕空高百尺樓婚嫁自憐猶  
未畢溪山今喜久相畱夢懸北闕瞻新主老向

東陵卧故侯却笑非仙亦非佛何妨呼馬又呼牛

其三

欲從河朔覓金蘭百歲寧如一日懽跡混漁樵惟  
笠屐游同鹿豕尚衣冠長林豐草身還健冷炙殘  
杯興未闌把臂但須開口笑白頭努力共加餐

其四

澤畔年來薄采芬筵尊何必問靈氛一麾錯鑄九  
州鐵四体空勤五德耘杜老江河原不廢君苗筆  
研可曾焚疎慵欲效瓊瑤報惟有羅浮一片雲

壬申冬十一月韓宗伯止園梅花大放招飲

賦謝

雕簷綺檻月微明  
縞袂花神索笑迎  
不向宋宮閒

點額喜聞商鼎待調羹  
時主人有幾迴寒汎水壺

影萬片香飛凍玉瑛  
好語爭春桃李輩  
先春還讓

丈人行  
唐子西梅花詩向來開處當嚴冬白者未  
白紅未紅祇今已是丈人行勿與年少爭春風

其二

日涉名園玉一林  
山桃溪李豈知音  
却嫌雪帶曾

團蠟慮悔霜髯亦撚金  
浮動暗香迎曉月  
晴留疎

影伴橫參廣陵水部悲飄落  
巢許幽盟已共尋  
宋

以梅花  
中巢許

百慵室

百慵詳園初蘓州太守祥符王公觀  
莫愜翁曲

閉門却掃白頭翁  
新菜芽茁豨蹄  
百慵木石與居鹿

豕押衣冠不着馬牛同  
早眠罕見窺簷月  
渴睡稀

聞報曉鐘欲作解嘲心  
懶慢乾坤如許  
幸相容

其二

豐草長林水一灣  
姤人秋色滿柴關  
年來習懶因

成性老去居貧却喜閒  
坐樹鶯慵渾不語  
帶雲鳥

倦早知還浮生擾擾空勞頓一枕惟安十畝閒  
有門曰十畝之間

一笑館

嘯傲烟霞老轉癡欣欣載色滿方頤非閑善謔常  
開口自是無懷少黷眉竟日粲然詩數句有時莞  
爾酒二卮逢場作戲人問世萬事回頭總一嬉  
相逢拍掌共呵呵無是無非可若何項領兒童須  
遠避揶揄鬼子任相遇平生磊砢皆消遣滿腹須  
憂盡耗磨世事時時堪噴案不須人羨比黃河

甲戌除夕

竹爆休驚麋鹿群何來偃子祝慇懃陽春已布寒  
應退臘意仍餘煖未分是歲臘月十日立春 餞歲獨澆畱  
歲酒固窮不誤送窮文亦知媚與非吾事司命寧  
須問竈君

乙亥元日

稀齡餘八未爲奇雞骨年來尚可支自喜一生無  
碗磊不妨兩眼忽迷離孫曾換抱咲常劇妾婢扶  
肩情轉癡綵勝宜春簪白髮加飡弩力百年期

有以茗上沈中丞客五羊訶林社集詩見貽  
者用來韻賦此寄之

南來錫影白雲孤一葉原同七葉符執着分南自  
分北圓通非有亦非無登壇共咲依雙樹護法休  
教守一株佛本在心何用佞無禪可悅自歡娛

其二

世尊原是夾人行一揖初參禮亦當真諦錯尋山  
是驚幻身莫棄乘爲羊咲他四體常投地枉却三  
天日炷香若說心生心卽妄應無所在豈須商

奉讀陸令公重構白鶴峯坡仙思無邪齋告  
成旨賦數百言見示時乙亥之秋八月旣望  
也率爾裁謝

白鶴峯頭日暮雲忽驚秋色又平分尊開誰共黃  
樓月賦就前無赤壁文欲攬烟霞歸筆底更新楹  
桷照江濱千古風流蘇學士不知何以報神君

題璽書寵召卷贈長樂張侯考績二章

文星福曜映齊昌指日追鋒駕望郎三載勞心惟  
撫字十城課績讓循良甘棠陰滿群雛雉伏奔叢



空少吠厖樂樂堂前歌樂只羅浮東去有桐鄉  
懸魚拔薤羨神君為政風流迥不群訟簡綵毫常  
散綺庭閒玉軫獨迎薰韓蘇往蹟曾重揭詳樂樂堂記  
召杜賢聲喜復聞竄奏帝心知簡在賜金增秩播  
芳芬

乙亥守歲

生天不問三千界投老惟知四百峯欲向新年問  
行樂已從昨日領春風時臘月廿九日立春唉呼斗酒同留  
歲細囑兒童莫送窮却喜明朝七十九安眠健食

白頭翁

丙子元旦

新年老態復何如眸眊身閑不曳裾餽口幸饒數  
瓶粟添丁喜獲五明珠尊開有客問奇字酒罷呼  
兒讀古書環薦辛盤喧賀歲孫曾遶膝老眉舒

丙子人日

百尺樓前花滿庭穠陰麗日戶常扃忽聞物候為  
人日見說吾生是歲星老去自憐眸已眊客來何  
意眼猶青縷金人勝聊從俗咲向西園帖畫屏

兩眼迷離兩鬢華落梅不問壽陽花錦囊日探償  
詩債烏寶時分入酒家豐草長林同鹿豕殘山剩  
水伴烟霞閉門高枕無餘事却喜年衰歲月賒

丙子燈夕

清歡永夜曝書臺共向燈輪數舉盃九陌香塵隨  
馬去一天碧月駕鰲來燒雲火樹千枝滿如月金  
蓮五夜開好語兒童休卜蠶且隨穠李去歌梅

丙子元夕奉懷陸岱瞻明府

春宵鐘鼓報新晴四鏡絃歌卽武城單父鳴琴老  
萬樹平津開閣酒千觥銀河清淺玉繩直銅漏迢  
遙斗柄橫月色燈光應少避文星高傍鶴峯明  
萬斛春光月滿梭琴堂靜湛玉壺冰傳柑昔日承  
恩賚卜蠶今宵喜歲登上帝寵綏三界福神君散  
作萬家燈火蓮燄吐四天滿福曜中天紫氣凝  
三廣文以燈夕見過畱酌日廢不能侍飲賦

此謝之

良宵星聚樂偏多更喜文星照薜蘿得句敲燈須  
痛飲呼朋按轄且高歌還將月色畱春色共遣詩

西園存稿 卷之九  
魔付酒魔伏枕主人非避客不妨明夕再相過

譚董二廣文遊羅浮賦此訊之

四百峯頭春正明鸞驂鶴駕喜相迎鐵橋携手頻  
呼酒簾洞聽泉更濯纓問藥不求丹在竈裹糧時  
煑石爲羨遊囊携得驚人句綵筆凌雲獨縱橫

正月十六夜是爲耗磨之辰昔人常有賦者  
夜闌不寐亦戲筆賦之

前宵春色竟如何駒隙光陰似擲梭萬戶歌聲猶  
夜泐六往燈火尚星羅衰年自喜能消遣此夕何  
妨說耗磨爲請花神同一醉今宵春色較偏多

贈郡相黃葵初暫還宜陽二章 有序

公佐吾循六年遠矣功績卓越德澤滂沛  
先是諸當事前後薦劾凡六上皆爲五嶺  
第一人及諸十邑父老子弟口碑蓋洋洋  
一時惟公防海是司六年之間所爲乘長  
風破巨浪以築鯨鯢之觀者又最著他勿  
具論問者劉香之役非公枕上過師能執  
馘獻俘若是之彪炳乎諸當事者無不歛

祗以推轂公計當一日九遷以再造嶺外  
公嘗俯攝博羅舉三大後不日而成韓宗  
伯嘗紀之以勒貞珉功垂天壤不意煩言  
無根遂令公抱冤不白公嘗爲上臺經畧  
海上緒言一書讀者皆以爲實錄可覆按  
也輿論久當自明官評久當自定安知  
朝廷之上不有三仕諸大夫爲公剖心者  
乎公蘭夢常艱今已得雄此羅浮之鍾靈  
鯉湖之毓秀也萬事足矣夫仕官何必車  
生耳哉公今行矣瞽目壤父不能從諸父  
老子弟之後遮道攀轅以折河橋之柳勉  
短二律窺公行李情見乎詞

人間自是路行難久矣功成欲桂冠百戰運籌皆  
策觀六年橫海獨登壇尊鱸有約憐秋色松菊猶  
存伴歲寒莫向歸囊嘆羞滿掌中還有一珠看

合江春暖片帆開長嘯一聲歸去來身退何妨共  
分謗功高自足起群猜拂衣且暫尋初服高枕休  
堅卧草萊 聖代只今求故劍微天舊袞去仍回

仲春書懷

竹徑柴扉日日開  
鶯啼蝶舞共徘徊  
溪頭垂釣石  
邊石樹杪看山臺  
上臺市酒小童携  
月至催詩微  
雨帶雲來  
一年三百六十日  
一日須教醉一廻

壽韓扶初

共向驪峯祝兕觥  
湯湯卯水照長庚  
開筵客醉邊  
巡酒鼓腹飡加骨  
董羨我亦漸爲家  
太祝君今不愧  
左丘明已留佳句  
傳千古  
更喜脩齡比老彭

丙子季春邑侯金公偕歸善陸侯遊羅浮余

以瞽目地主不能從侍賦此呈之以見嚮往  
干旄孑孑遶林巒  
四百峯頭紫翠攢  
茂宰行春因  
問俗山靈擁篲請  
留歡梯雲兩客飛  
仙鳥破雨雙  
旌控玉鸞地主自  
憐眸已眊尚能馳  
夢共盤桓  
峩峩萬疊白雲封  
縹緲丹梯路幾重  
共向層城拾  
瑤草更從仙洞問  
靈蹤聚霞峯上翔  
雙鳳見日庵  
前躍二龍此去五  
雲天路近翩翩携  
手駕追鋒  
歸善陸侯遊羅浮  
淋雨不果以詩見  
貽次來

韻賦謝

欲訪名山與大川幽懷須問米家癩西來此口霓  
旌遠東望何時鶴駕便選勝畱題千古在登高作  
賦萬人傳懸思省歛行秋令更向山靈訂宿緣

生日示兒輩

安眠健食腹便便此日稱觴亦快然嘯傲烟霞天  
逸老徜徉泉石地行仙礚溪遇主加三歲宣聖從  
心少九年却喜兒孫能愛日光陰長買不須錢

賀金邑侯壽誕

福星來自古延津四百峰頭紫氣凝刑措堂無穿  
犀雀化成帝鮮嚇雛鷹一時治行高千古四境  
謠冠十城更效華封共三祝日升川至似岡陵

贈陸明府入覲時有知推入翰林之議

文星光燦紫薇中間闔晴開瑞氣濃明世木天今  
有主熙朝藝苑獨稱雄靈搜海岳千秋業綺散雲  
霞一代宗為問金蓮歸院後可能垂夢桂花叢

題車景卿外姪朝爽樓

白鶴峯頭翠鬱葱高樓閒對日華東消磨歲月閒  
吟處領畧溪山一醉中颺上荷香常送兩縈上荇

西園存稿 卷之六  
帶自壑風揭簾清曉看新爽  
七氣飛寒滿碧空

丙子除夕

年年生計付樵漁  
爆竹聲中歲又除  
小婦喜能扶杖履  
童心自覺戀簪裾  
生前欲了千秋債  
夢裡常緜萬卷書  
笑賦新詩獻新歲  
新花新柳復何如

丁丑元旦

樓高百尺日曛曛  
白髮蕭蕭八十翁  
寶曆遙頒宸極北  
玉衡高轉斗杓東  
安眠却便眸雙眊  
禁口何妨耳不聰  
一歲兩春春最好  
扶藜緩步語花叢

古斷溪山樂事賒  
六朝遺老歲方遐  
羸經自喜書連屋  
餬口無煩粟滿車  
且看雲霞常散綺  
何須桃李更開花  
詩情酒態渾無恙  
聾聵從今不必嗟

西園存稿

卷之九

三

西園

